



職原抄大全

五之職正大學子別當
六藏人所請因

73
6643
3



門 73
號 6643
卷 3

職原引事大全卷之五

後學植木悅集註



彈正タスツキ臺

唐名御史臺又云霜臺又愿臺

掌糾彈事近代其職掌移干檢非違使廳至中古於洛中巡檢猶勤之當時已絕

○職真令曰彈正臺尹一人掌肅清風俗彈美內外非違事弼一人木忠一人掌巡察內外糾彈非違餘同神祇大祐少忠二人掌同太忠大疏一人少疏一人巡察十人掌巡察內外糾彈非違史生六人使部三十人直丁二人○乘喜式曰凡彈正不得彈大政大臣大政大臣得彈

和 大學 圖書館
藏 2.11 史
書

彈正其左右大臣與彈正若有非違者各得
彈九彈親王及左右大臣者躬以上在臺座而
遣忠一人於堂上彈之諸王諸臣三位已上及
參議者就其前座彈之預仰所司令設座四位
以下不問王臣皆喚其身於臺彈之五位以上
設座其被彈人者起座稱唯彈竟之後亦起稱
唯若不起亦彈之凡臺奏彈事者不經太政官
而直奏聞凡京中卿以下每月巡察勘彈非違
東西市并諸寺非違及客館路橋破穢之類也
凡衣袖口闊無問高下同作一尺二寸以下其
腋闊一尺四寸其表衣長總著地凡無品親王
諸王內親王女王等衣服色親王著紫以下孫
王准五位諸王准六位其服色者用纏凡婦人
得著夫衣服色位節會之日不在此例凡大臣
帶二位者朝服著深紫諸王二位以下五位以
上諸臣二位三位並著中紫凡綾者聽用五位
已上朝服六位以下不得服用凡錦衣者內命
婦及女王并五位以上嫡妻子並節會日聽通

服繡者不在聽限凡深淺純紫之襪者聽庶女
以上通著凡蕪芳色者親王以下參議以上非
參議三位及嫡妻女子并孫王並聽著用凡雙
六者無論高下一切禁斷凡職事親王及三位
以上諸臣諸王者各以所職官名為号此外女
官服也大臣以下鞞鞞泥障等之色皆彈正知
之○近代淳和天皇時始置檢非違使此時亂
彈事臺與使相並掌之者也但姦盜追捕之事
使掌之亂彈事臺掌之也今此書曰移于檢非
違使後代事也近代親房少以前時代乎續自
本後記仁明天皇承和六年六月勅彈正臺及
檢非使雖配置名異而亂彈違犯彼此亦同但
至犯人逃走姦盜隱遁彈正之職不堪追捕自
今以後緣終違犯有可追捕者臺使相通遣檢
非違長等隨事追捕立為永例是臺使相並知
亂彈之證也淳和五十三代帝仁明五十四代
帝也○至中古是後代事乎或曰指延喜時非
也延喜時臺專掌亂彈之事其後代彈正職衰

職衰
延喜時臺專掌亂彈之事其後代彈正職衰

而檢非使專掌糾彈，只彈正者，洛中巡檢非違而已。掌之，當時後醍醐時分也。洛中巡檢者，弼以下每日巡宗。唐御史臺恩臺，秦漢有御史府中彈，非違儀也。名亦曰寺，亦曰憲臺。後漢初曰御史臺，亦曰蘭臺。寺舊唐志則曰後漢改為憲臺。魏晉宋曰蘭臺。梁陳北朝曰御史臺也。○霜臺，愚按通典曰：御史為風霜之任，彈糾不法，百僚震恐，官之雄峻，莫之比焉。取此義曰：霜臺乎。又秘笈新書以御史臺謂霜臺，又獲味道詩風連臺閣起霜就翰華飛。

尹一人

相當從三位元從四位上，改為從三位。唐名御史大夫。

多任

親王或大納言以上兼之勅任之官也，頗為重職。

○尹字說文治也，又亦雅正也。官位令曰：彈正尹從四位上，令義解曰：彈正尹天平寶字三年，改為從三位。○勅任，選叙令曰：凡任官，大納言以上左右大弁八省卿五衛府督彈正尹太宰師勅任，餘官奏任。主政主帳及家令等判任。云以勅旨任曰之勅任。太政官論奏而任曰之奏任也。判任一品家令者一唐御史大夫奏官品家告太政官而任之也。名漢書掌副丞相有兩丞，秩千石。一曰中丞，在殿中；蘭臺掌圖籍秘書外督部刺史內領侍御史，與十五人受公卿奏事，舉劾是漢御史。大納言職也。至後漢有御史臺，大夫御史中丞在殿中，審舉非法。云是則當今彈正者也。魏建安年置御史大夫職，掌與後漢同。今此唐名尹以下至，躡唐世制也。唐百官志曰：御史臺大夫一人，正三品中丞二人，正四品下大夫掌以刑灋典章糾正百官之罪。惡中丞為之貳，其屬有三院：一曰臺院，侍御史隸焉；二曰殿院，殿中侍御史隸焉；三曰察院，監察御史隸焉。凡冤而冤告者，三司詰之。三司謂御史大夫中書門下也。云云。

大弼一人

相當從四位下。唐名御史中丞。

元正五位下。

小弼一人

相當正五位下
唐名同

殿上四位五位官也

為顯職近代多及地下無念之儀也

○弼字說文輔也○官位令弼正五位下令義
解曰大弼弘仁十四年置件官相當比從四位
下私曰令弼一人而無大少弘仁始有太少也
○顯職二字秘笈新書曰職類虞翊云臺即顯
職乃筮仕之通階私曰臺即尚唐御史中丞周
書郎事也顯職二字出于此名禮小宰若令
御史中丞漢御史大夫有兩丞一曰御史丞一
曰中丞亦謂中丞為中執法以其君殿中故曰
中丞唐書記上

忠

大相當正六位上
少相當正六位下

唐名侍御史

六位諸大

夫同侍等任之相當已高之上為顯職也近來為

鞞負尉下官也不叶理歟

疏

大 唐名御史錄事

○官位令大疏正七位上少疏正八位上○相
當已高相當高於兵衛尉儀也大忠彈內外非
違故為顯職也○鞞負尉清三位宗尤曰左右
兵衛尉鞞負尉也兵衛尉大從六位上少正七
位上大忠正六位少忠正六位下言相當高於
鞞負尉而又居其下事不叶理也
唐侍御史周御史掌萬民之治秦改為侍御史
名漢置隋唐又置內供奉掌糾舉百寮侍御史
號臺端他人稱之曰端公唐職林曰本朝官制
御史大夫掌肅正朝廷紀綱及以儀法糾治百
官之罪失而中丞侍御史為貳云
○鞞負尉
事先達皆云兵衛尉蓋按檢非違使尉曰鞞負
尉使尉則左右衛門尉也不任兵衛尉衛門尉
任之然衛門尉可為鞞負尉乎
○唐書曰侍

御史六人從六品下掌糾舉百寮及入閣承詔知推彈雜事○御史主簿一人從七品下掌印事錄事二人從九品下

左京職

唐名京兆又馮翊

掌京中事者宅地以下

悉京職之所知也近代移于檢非違使廳

○職負令曰左京職大夫一人掌左京戶口各籍字養百姓糾察所部貢舉存義田宅雜徭良賤訟訟市廛度量倉廩租調兵士器仗遊橋過所闡遺雜物僧尼各籍事亮一人大進一人少進二人大屬一人少屬二人坊令十二人使部三十人直丁二人○左右京式畧云所々節會祭禮佛事等時庭中掃除凡車駕行幸京職前驅凡京路皆令當家每月掃除又彈正巡檢日官人以下祇承凡大路建門屋者三位以上及參議聽之雖身薨卒子孫居住之間亦聽又所

所樹柳等事凡京中路邊病者孤子仰九箇條令其所見所遇隨便必令拾送施藥院及東西悲田院京程南北一千七百五十三丈東西一千五百八丈○宅地者人々所居之地也昔者指養老年時分也近代淳和以後京職職移于使廳也東京為左西京為右名公卿百官表曰內史周官秦因之掌治京師景帝二年分置左內史右內史武帝本初元年更名京兆尹屬官有長安市尉兩令丞又都水鐵官兩長丞左內史更名左馮翊屬官有廩犧令丞尉又左都水鐵官雲壘長安四市四長丞皆屬焉文選西京賦注張安曰地絕高平曰京十億曰泥尹正也良曰畿內十里並京兆尹理之○宅地給例持統天皇五年冬十二月詔曰賜右大臣宅地四町直廣貳以上二町木參以下一町勒以下至無位隨其戶口其上戶一町中戶半町下戶四分之一王等亦准此○愚王井悅

按直廣貳天武制位也當今三位大參者直大

職官錄 卷之五 五

三也當今四位勳勅大以下也五位以下平但文武時以移今位例推言之而已

大夫一人 相當從四位下 唐名京兆尹 四位以上任之或為

公卿兼官

權大夫一人 四位殿上人諸大夫共任之於諸

大夫者為抽賞之儀

○今義解曰左京大夫正五位上 弘仁十二年改為從四位下右同

亮 權亮 相當從五位下 唐名京兆少尹 五位諸大夫任之雖

六位又任之相當五位也不可准自餘頗為重職

○不可准自餘諸司助六位相當當亮五位也 故曰余 ○京兆公羊傳曰京大也師眾也天子

之君必以大衆又十萬曰億十億 曰兆十兆曰京少尹者次尹之心

進 大從六位下 唐名京兆司錄 六位侍任之

屬 大正八位下 唐名京兆錄事 少從八位下

東市司 唐名市署 掌市事

正一人 相當正六位上 唐名市令 諸道五位六位及院主

與代藏人所出納等任之

佑 相當從七位下 唐名市丞

○職負令東市司西市司准之正一人掌財貨 交易器物真偽度量輕重賣買估價禁察非違 事佑一人令史一人價長五人物部九人使部 十人直丁一人 ○市式畧云市無屬立榜題

職官錄 卷之五

各依其屬隨苑交關不得彼此就便違越凡每月勘造沽價帳三通送職職押署即以職印印乏一通進官一通留職一通付司又賣買事市中皆市司掌之九每月十五日以前集東市十日以後集西市○主典代院御所執筆人也其職掌記錄待官也藏人所出納出納兼國任祿也見于唐市令唐書市署令一人從六品上藏人所下名巫二人正八品上掌財貨交易度量器物并其真偽輕重市肆皆建標禁土為候禁權固及參市自殖者凡市日中擊鼓二百以會衆口入前七刻擊鉦三百而散云錄事一人

令史 唐名市錄事 **常不任之**

右京職 同左

西市司 同東

○右京同左京
西市同東市

東宮 唐名龍樓又鶴禁又銀榜

士此為東宮官大夫以下為坊官古來如斯

東宮春宮是一也然而傳學

○令義解曰東宮謂太子所居也○東宮春宮一也者言坊者東宮居家也大夫以下掌之又傳學士一向扶翼太子之官也○太子之始例日本紀神代無太子之別神武天皇年十五立為太子云始于此也又云皇太子者神武四十二年春正月立皇子神淳名鸕尊為皇太子云綏靖天皇事也清三位宗允曰崇光院御宇貞和年中直仁親王華山院皇子為東宮後年廢之此後立坊之事絕畢皇子訓曰智理乃養古異朝太子例韓詩外傳曰五帝官天下三王家天下家以傳子官以傳賢故自唐虞已上經傳無太子稱号夏殷之王雖則傳嗣其文異矣

至周始見文王世子之制白虎通曰何以知天子之子稱世子春秋傳曰王世子會于西止是也何以知天子之子稱太子尚書曰太子發外于舟是也或曰諸侯之子稱世子則春秋傳曰晉有太子申生鄭有太子華齊有太子光由是觀之周制太子世子亦不定也漢制天子稱皇帝其嫡稱皇太子諸侯王唐龍樓初學記曰漢之嫡稱世子後代咸因之各書曰孝成皇帝元帝太子初居桂宮上嘗急召太子出龍樓門不敢絕馳道西直至城得絕乃度○銀榜東方朔神異經曰東方東明山有宮青石為牆面一門門有銀榜以青石碧鏤題曰天地長男之宮○列仙傳周靈太子七月七日乘白鶴駐山巔謝時人而去後世稱太子之駕曰鸞駕禁曰鸞禁○太子謂東宮事左傳隱三年正義曰四時東為春萬物生長在東西為秋萬物成就在西以此君在西宮太子常處東宮也或據見象西北為乾乾為君父也故君在西東方震為長男故太子在東也

傳一人 相當正四位上 **唐朝太子有大師大傳**

大保又有少師少傅少保 本朝只置傳一人相當

雖為正四位上勅任官也 尤為重為三公之人兼

之大納言兼任 雖多先例中古以來邂逅也又前

官大臣任之中山前太政大臣賴實公也非常儀

○東宮職真令曰傳一人掌以經奉詔令傳正四位下○唐朝太師大傳大保少師少傅少保周文王世子曰凡三王教世子立太傅少傅以養之太傅在後入則有保出則有師則大傅之本舉舉於此矣武王又稱太子也漢止有太傅少傅至晉有天下愍懷建宮乃置太子太師太傅太保洎三少為六傳也○勅任官令義解曰皇太子傳官位高於七省卿故准為勅任也愚

曰有勅旨而任曰勅任也○賴實者大炊御門
太祖大政大臣經實其子右大臣經宗其子太
政大臣從一位賴實母中納言清隆女号六条
号中山也○三公兼任例續日本後記曰仁明
天皇時右大臣藤原
三守兼皇太子傳

學士二人 相當從五位下 譜第儒者有才德者

應其撰依為儲君之侍讀也古今重之

○儲君儲宮同也唐太宗貞觀中謂羣臣曰公
等為朕搜訪賢德以輔儲宮又侍讀以聖經奉
授太子人曰侍讀唐開元三年上謂宰相曰朕
每讀書有所疑滯無從質問可選儒學之士使
入內侍讀乃以馬懷素與褚無量更曰侍讀出
于此○華菴曰太子侍讀初奉授孝經是古來
例唐太子賓客唐書太子太師太傅太保各一
也名唐人從一品掌輔導皇太子每見迎拜殿門

三師各拜每門必讓三師坐太子乃坐與三師
書前各惶恐後名惶恐拜太子出則乘路備
鹵簿以從少師少傅少保各一人從二品掌曉
三師德行以諭皇太子奉太子以觀三師之道
德自太師以下唯其人不必備○太子賓客四
人正三品掌侍從規諫贊相禮儀宴會則上齒
侍讀無常真掌誦導經學貞觀十八年以宰相
兼賓客開元中定真四人云史記漢高祖欲易
太子呂后用留侯張良計迎四皓以太子故賓
客之名始起於此唐顯慶中定置四人取法於

春宮坊 唐名春坊 唐世置詹事府以統眾務又

置左右春坊宮中事一向坊官之所掌也

○詹事府秘笈新書曰秦官應劭曰詹省也給
也漢因之掌太子家位在長秋上成帝省魏後

置詹事領東宮諸務後魏有太子左右詹事隋開皇收置詹事唐置詹事府掌內外衆務糾彈非違總判府事置少詹事以貳之龍朔改端尹少尹云云○統衆務者知坊中大小少務也大夫以下官一向掌雜務事也○左右春坊秘書日北齊有門下坊庶子領之與書坊庶子領之隋門下坊置左庶子與書坊置右庶子唐龍朔中改門下坊曰左春坊右庶子中允司議即左諭德左贊善大夫崇文館學校書郎洗馬文學校書正字等隸焉與書坊曰右春坊右庶子中舍人太子舍人右諭德右贊善大夫太子通事舍人家令掌更令等隸焉○宮中東宮中也

大夫 相當從四位下 又太子少 執柄息大臣

子孫為大中納言人兼之諸大夫之納言以上無拜任之例坊中事大夫管領也

○愚曰本朝置東宮大夫事未詳九神武時有太子名未聞有坊持統天皇十一年二月以直廣一當麻真人國見為東宮大傅直廣參路真人路見為春宮大夫直大肆巨勢朝臣栗持為亮云是始出于日本紀也又子唐太子詹事秦孫子與孫也非苗裔之儀也 **名唐** 太子詹事秦歷代因之應劭曰詹省也給也漢官儀曰秦宮寶嬰景帝即位為詹事孔霸宣帝時為太子詹事○太子少尹端尹唐書太子官曰隋廢詹事府武德初復置龍朔二年曰端尹府詹事曰端尹少詹事曰少尹武后光宅元年改曰官尹府詹事曰官尹少詹事曰少尹有令史九人書令史十八人云云今按太子少尹者唐名也

權大夫一人 同前但諸大夫納言有兼任之例

猶不為可也

○華菴曰諸大夫納言者雖攝家後胤中比表微而祖父父有諸大夫而其子昇納言曰諸大夫納言也

亮一人

相當從五位下唐名太子詹事

名家四位有人望者

任之坊中事亮一向所奉行也

○人望者可然人唐太子少詹事上詳愚按詹事也有名稱人也名事府事隋以前別也然事物紀原曰少詹事唐始置詹事府置少詹事一人今按唐書太子官曰隋廢詹事府武德初復置然則隋以前有府正太子少尹今按亮之唐可知恐紀原所誤乎誤名也龍朔二年改詹事府曰端尹府詹事曰端尹少詹事曰少尹云云今大夫唐名曰少尹誤也

權亮一人

華族中少將兼之

大進

權三人主相當元從六位上唐名詹事丞

名家五位任之

尤可擇其人也大進奉行官中諸公事如禁中職事仍非器用者不任之

○令大進一人也無權唐唐名詹事丞唐書詹

○禁中職事藏人事也名事丞二人正六品上

掌判府事知文武官簿假使

少進一人

權相當從六位下

名家六位任之或

雖五位猶帶之

○帶者愚問曰上位人兼下官書帶歟華曰只兼之意也令少進二人也

屬大少唐名詹事錄事

院主典代官史生等中

為重代者任之掌坊中雜務故也

○官位令大屬正八位下少屬從八位上院主
典代有院廳之下官吏生大政官吏生也坊中
雜務書錄唐書詹事主簿一人從七
之人也 名品上錄事二人正九品下

主膳監

唐名典膳房云

正一人

相當從六位上
唐名典膳郎

佑令史

○東宮職員令曰主膳監正一人掌進食先掌
及諸飲膳事佑一人令史一人膳部六人使
部六人直丁一人駟使丁二十人官位令唐
正從六位上佑正八位下令史少初位上 名書
典膳有典膳郎二人從六品下丞二人正八品
上掌進膳算食丞為之貳每夕更直於厨又云
龍朔二年改典膳監曰典膳郎有書令史二人
書史四人主食六人典食二百人掌固四人

主殿署

唐名典設房云

首一人

相當從六位下
唐名典設郎

佑令史

○東宮職員令首一人掌湯沐燈燭酒掃鋪設
事令史一人殿掃部二十人使部六人直丁一
人駟使十人官位令主殿首從六位下令史
少初位下令無佑此書置佑不審○愚曰東宮
無掃部監故主殿監兼唐書典設房典設郎
知酒掃鋪設之二事也 名唐書典設房典設郎
人正八品下掌湯沐燈燭汛掃鋪設凡皇太子
散齊別殿致齊正殿前一日設幄坐于東序及
室內張帳前楹龍朔二年改齊郎為曰典設房
齊師曰即有書令史二人書吏四人幕士二百
四十五人掌固
十二人

主馬署

唐名廐牧署

首一人 相當從六位下 唐名廐牧令

佑 令史

○東官職負令主馬首一人掌供進乘 馬鞍具之屬令史一人馬部十人使部十人直下一人官位令主馬首從六位唐書廐牧署令一下令史少初位下令無祐名唐書廐牧署令一人從九品下此下判吾本磨減故不記

主膳者膳部之家任之歟但近代不必任之內膳司即兼知坊中御膳之故歟主殿主馬者重代侍等所望補也此外坊中有藏人非藏人是坊中之沙汰也重代諸大夫補之藏人者勤仕日下薦事如禁中仍撰其人也又帶刀者撰重代侍補之自公

家被補之也昔源平重代武士多補之是坊中之沙

○膳部家高橋氏也近代不必任者言禁中之內膳司兼知東官御膳故近代不任此主膳也日下薦每日奉仕天子御用如下薦之奔走故日下下薦禁中藏人又馳任東官藏人又如禁中藏人也帶刀東官侍官也禁中瀧口院北面東官帶刀也公家者三公家也源平武士仕例木曾義仲父義賢号帶刀先生也但帶刀真數或抄云尤人愚見大炊式日春官坊帶刀三十人料米六斗人別日米二斗外然則抄說非也清宗尤日衛門尉補帶刀日帶刀衛門兵衛又同

伊勢齋官寮 无唐名

頭一人 无權官 相當從五位下

四位五位殿上人若諸

大夫任之

○職官令無齋官寮王并悅按續日本紀聖武
天平十八年八月置齋官寮以從五位下路真人野上為長官是置寮之始也其後連綿也九齋院齋官法制今以三代實錄考之陽成天皇即位元慶元年二月十七日卜定伊勢賀茂齋內親王伊勢識子內親王也賀茂敦子內親王也同元三年三月遣使伊勢太神宮是天皇即位與齋內親王卜定事令告之勅使神祇少副大中臣常道也但舊齋官者括子內親王也同元四年遣使賀茂社齋內親王卜定之由也勅使奏議菅原是善也舊齋院儀子內親王也同二年八月九日伊勢齋行禊同元六月太極建禮門前修之也同元八月從雅樂寮假宮至鴨川禊而即入野宮同三年八月十九日伊勢齋內親王行禊九月九日入齋宮是日早朝臨葛野川禊事修而即參豐樂院天皇御豐樂殿對面內親王而被遣伊勢勅使神祇大副大中臣朝臣有本也有宣命卜定而至干此三年入齋宮也

此時賀茂齋院四年夏四月臨鴨水禊禊而入紫野院公卿以下供奉是卜定三年而可入例也中有穢事故四年而入齋院也若又未至伊勢賀茂前天子崩御或退位則捨其齋官齋院而別建之例也凡齋官多用幼皇女今抄云在原業平犯齋官直入齋宮活之故自是後齋官廢而至今不用也是說非也今見紹運錄其後多有齋官后醍醐天皇皇女今立齋宮也抄說非也又賀茂齋院後白川院皇女立齋院以後不見有齋院也古例齋官始至野宮者卜城野造野宮多今之北野也人夫一万五百四十五人工三千十五人也元慶年定夫工日為工一千四百六十五人也半夫五千二百七十二人也近江美濃丹波但馬備前備後人令役仕例也延喜式第五日齋官凡天皇即位者定伊勢大神宮齋王仍簡內親王未嫁者卜之若無內親王者依世次簡諸女王卜之訖即遣勅使於彼家告示事由神祇祐以上一人率僚下隨勅

職原錄 男事乃三卷五

使共向卜部解除神部以木綿著賢木立殿四面及内外門九齋内親王定畢即卜宮城内便所為初齋院被禊而入至于明年七月齋於此院更卜城外淨野造野宮畢八月上旬卜定吉日臨河被禊即入野宮自遷入日至明年八月齋於此宮九月上旬卜定吉日臨河被禊參入於伊勢宮凡忌詞内七言佛稱中子經林染紙塔稱阿良良支寺稱瓦齋僧林髮鬘尼林茂髮長齋林茂齋愚曰垂仁御宇倭姬命伊勢齋宮始也

助

權相當正六位 允 大少 屬 大少

賀茂齋院司

无唐名

長官

相當從五位下

同上

○長官同齋宮頭也故曰同上伊勢賀茂齋共見本例也故無唐名職真令無齋院司延喜式

日齋院司九天皇即位定賀茂大神齋王仍簡内親王未嫁者卜之若無内親王者依世次簡諸女王卜之卜食訖遣勅使於彼家告示事由神祇祐已上一人率僚下隨勅使共向卜部解除神部以木綿着賢木立寢殿四面及内外門事訖賜祿中臣忌部以下各有差其後遣參議已上一人於下上兩社奉幣告定齋王狀内藏寮備幣卜部一人隨使就川頭向社解除凡忌詞死稱直病稱息泣稱監舞血稱汗完稱齒打稱撫墓稱壞凡齋王每年四月中酉日參下上兩社祭先奏下社暫留社外舍脫換衣裳更着清服即乘腰輿却駕輿丁令輿長供就社前左殿事畢出社外駕牛車參於上社先留幄下次就社前右殿勅使内藏寮五位以上並左右近衛府馬寮五位已上官各一人並左右更供走馬十二騎左右近衛更供中宮東宮使五位已上官各一人内侍并命婦藏人闈司各一人中官命婦藏人各一人自餘准初度四月禊儀

職原錄

男事乃三卷五

十五

但加腰輿丁具駕輿丁四人事見儀式下上兩社幣帛料五色絕各四丈院司就內藏寮請之或記云平城嗟峨帝爭帝位時嗟峨帝為祈願以皇姑有智子內親王始立齋院至土御門院元久元年三十四代齋院斷絕詳于齋宮下

次官 判官 主典

修理職 唐名匠作

大夫一人 相當從四位下 唐名匠作大尹

四位以上任之或公

卿任之

○令外官也延喜式亦無修理職百寮云掌禁裏修理造作事諸工以下從此官唐匠作秦漢皆作將名作今日匠作未老

權大夫一人 四位五位殿上人任之或諸大夫

任之頗規模也

亮 相當從五位下 唐名匠作少尹 **諸大夫任之相當五**

位也然而六位又任之諸司四分中頗為重歟大膳左右京修理之外無當五位之四分然而近代以左右京為重其次修理其次大膳也大膳亮頗劣也

○令義解修理亮從五位無上下別大少進從六位無上下別云不記大夫之相當○六位又任之六位諸大夫也諸司四分指諸寮以下諸寮以下助六位也四職亮五位也故曰無當五

位四

亦也

進大少唐名匠作巫

六位侍任之

屬大少唐名將作錄事

竿師唐名匠作討史

勘解由使云勾辦

是強非唐名取義歟

長官相當從四位下

四位已上任之多者參議

二位三位任之

○令外官也延喜式畧云勘解由使者諸國諸司諸寺等之未進不解由勘檢之職假令從諸國有所奉貢物書帳送勘解由使判官主典勘定而作目錄申長官次官長官次官直令奏聞也但諸司勘年終帳者若有所違有勘出者召其人告知其由此時長官次官判官主典共令

奏聞也

次官相當從五位下

名家五位任之頗為顯官

仍一向地下諸大夫等不任之

判官相當從六位下

六位侍任之但聊堪多矣右筆

者所望任也為顯職之故也凡顯職者無指事之

輩拜任無念之義也顯職者外記官史式部民部

丞彈正忠勘解由判官等也左右衛門尉猶雖為

顯官於今者不及沙汰

○判官主典專解由勘定職也人數判官三人主人三人乎但可依時也凡某寺某司某國不

與解由狀其負數勘合作目錄年月日下記判
 官典名宛所書長官次官名送之故無文戈
 人不克任此職者也又曰判官五位者曰勘解
 由太夫又曰勘解由左衛門勘解由右衛門者
 衛門兵衛尉補勘解由判官者也○右筆謂文
 筆博弁之人也今世武家右筆者起于賴朝義
 仲等時東鑑曰治養四年六月九二日康清啟
 洛武衛遣委細御書被盛仰康信之切大和判
 官代邦道右筆被加御筆并御判云又曰治養
 六年五月十一日伏見冠者藤原廣綱始委武
 衛是右筆也馴京都者依有御尋安田三郎被
 舉申之日來住遠江國懸河邊云又云木曾義
 仲右筆大夫房覺明有箱根山中云武家右筆
 各出于此禁中曰外記也將軍家曰右筆也說
 文各手口相助也廣韻助也異朝曰外史內史
 也今此堪右筆只達文筆之儀也顯職二字職
 類虞翊云臺郎顯職乃並仕之通階私云臺郎
 尚書郎也又日本顯職江次第曰除自令公卿

舉顯官外記史式部丞民部丞左右衛門尉云
 無忠與判官也官史左太史曰官務故曰官史
 也官史謂
 大少史

主典

相當從七位下

鑄錢司

近代常不任之可任者官外記諸道中

當其仁歟

○鑄錢之所司也九錢之始日本紀曰持統天
 皇八年春三月二日以直廣肆大宅朝臣磨良
 勤大貳壹忌寸八嶋黃書連本寶等拜鑄錢司
 云始出于此但及今外官也蓋養老比被止之
 乎古者白銀銅錢共有天武時詔用銅錢不用
 銀錢又續日本紀曰天平字三年三月勅錢
 之鑄用行之已及公私要便莫甚於勸勇者私
 鑄多偽監既并頓將禁斷恣有騷擾宜造新

樣與舊並行，廢使無損於民，有益於國。其新錢
文曰：萬年通寶。以一當萬錢。之十銀錢。文曰：大
平通寶。以一當新錢。之十金錢。文曰：開基勝寶。
以一當銀錢。之十。又曰：自異朝渡錢，事善隣國。
賢記曰：元史曰：日本遣商人持金來，易銅錢。
後宇多院，兼治三年也。是渡錢之始也。云云。

長官

次官

判官

主典

修理官

城使

左右

使

弁官兼之

多左右中弁兼在之

判官

官吏常兼之

主典

○令外官掌官城修理之事也。又知禁外城門
等修復破損之事。職也。又云：官禁中也。城禁外
四方諸司城門等也。官城使掌內外修理之事。
乎修理者，勘解由式云：九使局官舍隨損申官

也。官城東左修理官城掌之。官城西右修理官

城使掌之也。官史
太政官八史也。

造寺使

東大真福等兩寺外無此号

長官

東大寺者大弁必兼之
真福寺者南曹弁兼之

次官

判官

東大寺者一史兼之

主典

○令外官東大寺真福寺建立造營之時遣造
寺使掌之。其外寺無此号。南曹弁者掌勸學院
弁官也。神皇正統記云：清和帝時藤原良房始
建勸學院。以子孫親族令學教之故也。又太學
寮有東西曹子菅江二家司之。而教書生也。彼
大學之南建此院。故曰南曹。比長者管領此院
與齋寺及氏之社事等執行之。云云。○一史者左
太史也。曰小槻宿林爲一史是。○東大真福施

者東鑑曰建久六年三月十二日今日東大寺
 供養將軍御參蓋此時賴朝上洛而在京都
 也次行幸執柄以下卿相雲客多以供奉未
 有供養之儀導師真福寺別當僧正覺憲願
 師當寺別當權僧正勝賢當伽藍者安德天
 皇御宇治養四年十二月廿八日依平相國禪
 閣惡行佛像化灰堂舍殘燼畢而壽永二年四
 月十九日令大宋國陳和卿始奉鑄本佛御頭
 至同五月廿五日首尾建久元年七月廿七日
 大佛殿毋屋柱二本始立之同十月十九日上
 棟有御幸謂此草創盤鰲者聖武天皇御宇
 天平十四年十一月三日依當寺建立之獻願
 為大厦經營之祈請始發遣勅使於太神宮左
 大臣師兄公是也同十九年九月廿九日奉鑄
 大佛孝謙天皇天平勝寶元年十月廿四日終
 其功同十二月七日被逐供養天皇并太上皇
 聖武幸寺院導師南天竺波羅門僧正咒願行
 基大僧正天平勝寶四年三月十四日始奉泥

金於大佛金天平九年始自奧州所獻也為吾
 朝之砂金之始也神皇正統記曰華嚴三論於
 東大寺弘之也彼華嚴者唐杜順和尚盛之而
 日本朗弁僧正傳之真隆東大寺此寺則因此
 宗建立之也三論者東晉之同時於謂後秦國
 有羅什三藏來而弘此宗傳于世孝德天皇時
 高麗僧惠觀來朝而傳之也是為始其後道慈
 律師請來而於大安寺弘之於今花嚴相共有
 東大寺云○真福寺元弘釋書曰真福寺者和
 銅三年三月藤丞相不比等於和州平城建立
 公事根原曰真福寺法華會自九月晦一日
 始而七日之間於南圓堂披行妙法之
 之大會是十月六日長足大臣內麻呂之忌日
 也大少史臣冬嗣公者彼大臣之御子也為父
 始令行之南圓堂本尊不空羅素觀音之像并
 四末皇像者長足大臣建立之也後開院大臣
 建圓堂安置此本尊于時春日明神夾雜人
 夫之中歌曰補陀羅久能美南見乃紀支仁

堂布馱天傳幾太能布智南身以萬曾作賀邊
無是南圓堂建立之時事也藤氏者南家北家
式家京家日之四家三家表微而北家榮後世
因神德也云真福寺淡海公建立也神皇正統
記日法相者有真福寺唐玄奘三藏自天竺傳
而弘傳于國日本定惠和尚大織冠子也渡彼
國為玄奘弟子版朝之後早世今法相者玄肪
僧正入唐而泗州智周大師者玄奘二世之第
子也會此僧傳而來流布云寺像志日夫僧伽
藍阿練若道場精舍之号不一而惣而号寺何
乎其又有說焉永平十年騰蘭西來明帝館鴻
胛寺十一年勅維陽城西雁門外立精舍而居
之初以佛倚像舍利梵夾載白馬而至故名白
馬寺蓋鴻胛寺者與客之官鴻声也朕傳也傳
聲贊導九賓也寺嗣也官屬相嗣治事以沙門
之始居立為号也愚日佛法始來漢土時置鴻
臚寺故至今取寺字本以官府日寺漢西域日
白馬馱經來初止於鴻胛寺遂取寺名叔置白

馬寺今浮屠所
居皆謂之寺云

防鴨河使

使延尉佐必兼之

判官

同尉志等兼之

主典

已上除目任之

春秋除目悉所載大

間也外記錄關官取大間矣

○鴨河洪水等之時治城堤使也已上者此以
上至八省皆除目所任也自檢非違使至非藏
人皆宣下官也其以下諸國六府太宰等除目
行之也春秋縣除目正月也京官除目秋也
大間者記關官紙也以宿紙續之為卷若有關
官悉記之外記之役也但每一官其間廣明而
書之故日大間以之養天子宿紙薄墨也紙也
外記手執大間以記關官養之天子也或人云

取大間者削取大間之儀此說非也先諸司或
死或辭除而有闕官則本司有甲文外記任申
文記闕官帳除自之時書大間卷以奏之也大
臣撰可任人奉勅而取大間以書其闕官之聞
也委見于江次第又有殿上策是殿上人各悉
記之若有關官削其名也是以板書或曰殿
上日給也今此

與大間各別也

施藥院使

司儀令

使 醫道四位以下任之
為彼道重職也

判官 主典 件職往

古藤氏長者宣也近代

勅補歟但不載除目

○掃部式曰凡東西悲田每年冬季所給古幣
豐三十枚者下行施藥院左京式云凡京中之
路邊病者孤子仰九箇條令其所見遇隨便必
取送施藥院及悲田院○令外官愚悅按施藥

悲田誠善政也其始者續日本紀云天平寶字
元年十二月勅普為救養疾病及貧乏之徒以
越前國壘田一百町永施山階寺施藥院伏願
因此善業朕與衆生三檀福田窮於來際十身
藥樹蔭於慶區永滅病苦之憂共保延壽之樂
此時又設悲田院又貞觀元年右大臣從二位
藤原良相奏請以私第一區建崇親院安置藤
原氏無居室者便給施藥凡厥所須付物令施
藥院司掌之又建延命院院便給勸學院安置
藤原氏有病患者詔從之拾茲曰施藥院養病
人所也悲田院在鴨川西畔養孤子病者也○
藤氏長者宣者藤原攝政關白之宣下而補此
非勅補近代者有天子宣下而補之也但行除
目之時不補之依宣下官也宣下者非除目而
補之日宣下也又有別當用藤原氏一唐司儀
人外記一人其遷葬之時不責解出
植木悅按不相應乎周禮司儀掌禮儀唐司儀
令掌凶喪葬之具皆非施藥之但周禮疾醫掌

養萬民之疾病云又唐書醫師醫
正醫士防民疾是當施藥之任乎

宣下官

檢非違使

此日使廳

本所則辦
負廳也

淳和天皇御宇天長年中初置之異朝尤重此職
昔唐貞代阜陶為士此云大理周禮立官之日大
司冠即此任也後代置大理寺本朝又以刑部省
為糾判之官天長年中准唐朝置使廳蓋是大理
寺也但別當以下為宣下職為衛府之人補之
又書位署之時不書此職号是流例也又別當宣
者則廳宣也古來被准勅宣仍天下重之違背

廳宣者可准違

勅云

又當使補看督長六十六

人此為遣諸國也

云

朝家置此職以來衛府追捕

彈正糾彈刑部判斷京職訴訟併歸使廳仍為國
家之樞機歷代以為重職者也

○清三位宗九日執履者左右兵衛尉事也檢
非違使兼官也除目不任之假令左衛門督藤
原朝臣可為檢非違使別當之由職事口上下
知上卿上卿召弁官仰之弁官又令仰聞官務
也淳和天皇者東山左府說此義仁明天皇御
宇歟天長十年二月二十八日皇太后仁明受
禪兼和元召參議從四位上左大弁左近中將
文屋秋津別當被補云○本所執負廳衛門兵
衛則兼檢非違使故也○阜陶為士云大理者
春秋元命包曰堯為天子得阜陶為大理舜時

大將之人補之。又有例仍至大納言帶此職。近代又未聞事也。仍中納言大理任大納言之日必去其職。是流例也。世俗說補大理之人可備七德。所謂譜第器量才幹有職近青容儀富有云有剩事歟。

○往古參議中將者兼和元年正月廿七日參議左中將文屋秋律補別當後轉右衛門督是也。又非參議者前官之事也不預朝政之公卿也。又昔為大將人者近衛大將源能有為別當是也。去其職者去檢非遣使也。備七德者大理依重職非器無才人不可捕世人貴此職曰備七德者也。或人云親房時宣房之子藤房卿為大理別當藤房賢良傳世以諫言為職誠可謂七德之器也。依之世人以太理云備七德。

乎。譜第者本系正也。器量氣質美而有能也。才幹謂智又幹勻會強也。周禮云才幹此則總論材幹不獨指才。但器之材樸總謂之幹。今此才幹者有智而直正也。有職通達禁中故實禮儀人也。容儀行狀也。温良恭儉讓類也。富有世有貴官而令富有也。○兼官始者書舜典注。周六卿兼三公者是也。

又昔者諸大夫不在之而尤賴卿初任之其後連綿歟。參議大理者遇納言闕之時必任之上首參議。縱雖為英雄不相爭事也。但參議大辨者勞効等同。仍或同時登用。或互有超越之例。是可依勞之淺深歟。又參議中將勞効久者自相爭也。然而

近代以別當為其最也

○光顧卿者系圖曰葉室中納言顯隆者葉室之祖也其子曰中納言顯賴其子光顧檢別當大弁權大納言正二位參議母中納言俊忠女号葉室大納言是也○上首參議者八人之中年勞久人也言若中納言有闕必參議大理任乏也上首參議不能與大理爭也又參議大弁與參議大理同位也年勞又同則二人同時任中納言也但二人之中一人有年勞之久者則其久者越而任中納言也又參議中將相爭也近代大理人越大弁中將而任中納言也或前也上首參議同大弁同中將三人後大理者也故以大理為前進也

佐二人

左右 唐名廷尉

為左右衛門權佐者

蒙使 宣旨正佐為廷尉之例邂逅也又上古有

中少將蒙 宣旨之例凡廷尉佐者名家譜第之

中清撰之職也昔者廷尉佐着大理廳屋中古已來不著之於使廳政者佐以下着行也

○廷喜式 彈正式云凡參議以上檢非別當以下府生以上聽著緋鞞云○清選清要之儀也清選二字續通典曰開成四年蓋鐵推官姚最鞠周河陰縣吏得實除職方員外郎右丞韋溫上疏以節官朝廷之清選不可以貴能吏出于此昔者廷尉佐者昔者常佐以下着使廳行政也中古以來佐以下在本官之衛門府而不在此使廳也若使廳有公事則佐以下着廳屋行廷尉之唐大理卿出干刑部下廷尉漢百官表曰事也名廷尉秦官掌刑辟有正左右監秩皆千石景帝中六年更名大理武帝建元四年復為廷尉宣帝地節三年初置左右平秩皆六百石

哀帝元壽三年復為大理王莽改曰作士後漢又為廷尉晉宋為廷尉梁為秋卿隨為大理寺唐因之廷尉大理其職一而依時代異名也

尉稱之判官左大尉二人 右大尉二人

左右少尉近代真數不定明法道儒必任之上

古其流不一中古以來坂上中原兩家為法家仍必任之於少尉者追捕輩各任之至大尉者多明法道所任也但殿上藏人為廷尉者間任大尉追捕者武士重代者并諸家恪勤中殊撰重代器用所被補也真實追捕犯人關其賞者希事歟非明

法而補之稱追捕是世俗之所云傳也又源平武士雖諸大夫多補之大夫尉源義經者剩為昇殿

廷尉云

○判官者勘解由判官官城使判官之類皆呼管也廷尉判官者不呼官而只稱判官則廷尉尉也彼源義經今世俗稱判官者任當使尉故也○追捕輩者明法之外人曰追捕則任少尉人也殿上藏人華菴云六位藏人也凡藏人皆昇殿也今爰指六位格勤者院閤白大臣家等之侍之事也○逐捕二字前漢書暴勝之字公子武帝末郡國盜賊群起勝之為直指使者衣綉衣以斧逐捕盜賊云○大夫尉者大夫五位也尉少尉也義經傳按東鑑曰從四位下左馬頭義朝之子前伊豫守從五位下源朝臣義經右馬頭義朝朝臣六男母九條院鸕任常盤壽

永三年八月六日任左衛門少尉蒙使宣旨九月十八日叙留十月十一日拜賀六位尉時不
用畏則聽院肄昇殿九五日供奉大掌會御襖
行幸元曆元年八月九日賜平氏追討使官
府二年四月九日五日賢所自西海還官入御輦
所間供奉九七日補院御廐司八月十四日任
伊豫守使如元文治元年十一月十八日解官
同五年閏四月九日於陸奧國泰衡源豫州
云豫州自殺初與州欲越與州時深隱自錄倉
仰國夕雖訪之不能知出也因茲改義經之号
或為義行或為義顯也卒年三十一又元曆元
年十月九日因備守廣元申云去月十八日源
延尉叙留今月十一日聽院內昇殿其儀駕八
葉車扈從衛府三人共侍九人各騎馬於庭上
舞蹈撥劍
笏參殿上

又六位尉叙五位時多者去之明法道者必叙留

此外輩依殊恩令叙留也但近代每人叙留違舊
例也又左右尉者必左右衛門也至大理者衛門
兵衛依闕事也佐尉志者必衛門也但近衛兵衛
邂逅有例云

○叙留昇位官如元日之叙留也明法道之外
人六位尉叙五位日去延尉尉常例也但有殊
勞而蒙恩賞令叙留又有例源義經令叙留也
大理指別當也至別當者衛門兵衛督依其闕
補之也

志

左大少 右大少 明法道輩六位時任衛門志

藏原少 門喜大 卷五

即蒙使 宣旨也非成業輩轉任為規模稱非成
業者院主典代廳官太政官史生藏人所出納諸
家下家司中譜第器用者先任左右衛門府生蒙
使官旨也武勇家并追捕輩者不任之凡志者
奉行使廳諸公事之故以當道為其撰此号道志
也

○志者執筆人也非成業輩菴曰明法之人補
志者成業也非明法人任志故曰非成業也轉
任者匡房曰以少任大以權任正也之曰轉任
廳官有于院廳下也下家司者親主攝政大臣
家知家事也當道明法道也

府生

左右

府生者非奏任之官仍府督判授之

後申下使

宣旨者也

○奏任者天子有勅而任官曰勅任太政官論
奏而任官曰奏任諸司銓擬而申太政官而任
之曰判任也府督者衛門府督銓擬申太政官
任府生故曰判任今作判授非也判授叙位階
事也見于選叙令

藤氏長者 蒙攝政關白詔之人為其仁仍別不
及 宣下也但宇治左大臣賴長公非攝關為長
者 宣下之例初於此乎

○神皇正統記云七十七代後白河院年号曰
保元龍大臣賴長者知足院入道關白忠實次

即也法性寺閔白忠通大臣者賴長之兄也長和漢之才人也為執柄也賴長者本性惡人也父愛之抃以申請藤氏長者蒙內覽宜旨凡長者渡執柄外人事古今無其例醍醐天皇代本院大臣與管家治政相双而有內覽宜旨雖然本院又非關白也云賴長保元之乱時於奈良坂邊中流矢害死也初於此者始干賴長也

源氏長者 為獎學院別當之人即為長者而近

例為前大臣有為長者之人仍被下 宜旨乎

○天子之子或孫始賜姓者皆賜源氏也其源氏人昇大臣人則為長者也別不及宜下然近代前官大臣為長者因茲有宜下也獎學院者源氏學文所也凡王子賜源氏始者奉我天皇皇子信年六弟弘年六弟常年四弟明年二妹貞姪年六妹繁姪年六妹全姪年四妹善姪年

二合八人弘仁五年五月八日勅賜姓源朝臣是源氏之始也或抄云村上天皇九代源光文始成源氏長者。前大臣者久我前內大臣定實補之

獎學院別當 源氏公卿為第一之人補之為納

言之時多兼獎學淳和兩院在太臣日以淳和院

與奪次人於獎學院者猶帶之是流例也但兩院

別當事中院右大臣之時永可付彼家之由有

鳥羽院勅定云然者他流人縱雖為公卿上首不

可及競望事歟

○與奪孔子家語日以賢代賢之日之奪言納言人任大臣日以淳和院讓代次納言也○中

院右大臣抄云村上天皇六代雅定右大臣也
○江次第一日除目任諸院舉諸院舉
勸學院儒者開院左大臣申立之
以勝原學士請任之諸國錄獎學院
儒者應和二年閏十二月源氏王卿大納言高
明以下申請當院學生准勸學院例可預
官班之狀以源氏學生請任之或雖非源氏以
藤橘之外儒士被舉之此外加學館院為三院
學館院者橘氏諸兄公右大臣申立之以橘氏
學生任之
氏長者舉達之○西官云王氏
諸王別當在原行平申立事畧抄云院記云以
元慶五年中納言在原行平卿廢幾勸學院之
例所建立也○愚曰第一一人者源氏公卿上臈
也非本大臣之儀又他流者指中院外源氏也

淳和院別當

同上

○此又源氏學文所也如獎學院拾莢云淳和
院天長上皇離官今西院或云橘太后官愚曰

淳和院因拾莢論者淳和天皇讓位于仁明為
上皇日之天長上皇此上皇離官号淳和院又
号西院集王氏源氏諸生令習聖經乎此院中
古以來勸純今代只有別當名而自有名無實
也林氏曰鹿苑院義滿奏曰昔為村上寔錢源
氏今無如清和請獎學淳和別當以補之

學館院別當

橘氏之中補之此号長者凡稱氏

長者王氏源氏藤氏橘氏有此号王氏者往古之
例親王為其長近代為王氏之者第一稱之藤氏
者執政為其長源氏者見任大臣納言中為第一
人也橘氏者昔橘家有昌孫納言以上之人仍為長
者而其家衰微之後雖有長者号只知學館院領

計也於氏爵者是定人舉之是定者擇其人被下
宣言也近代九條流被傳之仍他人不望之依
之橘家皆屬彼家云

○橘姓始者續已本紀天平八年鬱城諸兄親
賜贈從一位縣大夫養橘宿祢云和銅元年十一
月廿一日供奉國大掌光五日御宴天皇譽忠
謙之至賜浮杯之幣勅曰橘者菓子之長上人
所好柯交霜雪而繁茂葉經寒暑而不彫與珠
玉共競光交金銀以逾美是以汝姓者賜橘宿
祢也而今無繼嗣者臣請兄也葛木等願賜橘
宿祢之姓詔曰省從二位葛木玉等親辭皇族
之高名請外家之橘姓尋思所執誠得時宜令
賜橘宿祢千秋萬歲相繼無窮同書祢德天皇
寶字二年左大臣橘諸兄賜朝臣姓此時為朝
臣也姓氏錄曰敏達天皇難波皇子男贈從二

位粟限王男治部卿從四位下美努王聚從
四位下縣大夫養宿祢東人女正一位縣大夫養橘
宿祢三千代大夫生左大臣諸兄○親王昔曰
皇子至天武二年紀始書親王源氏者差我皇
子源信始也但村上天皇後有源氏中院北白
等也又有清和天皇後源氏鎮守府將軍經基
始賜源姓是武家源氏也近代兩院別當皆渡
武家源氏者也藤氏者太織冠苗裔○橘氏昇
納言以上左大臣諸兄又仁明天皇之時中納
言兼左近衛大將從三位橘朝臣氏公承和十
一年任右大臣也等也後代衰微而無高官人
今代薄家則橘餘裔也○知學館院領計也江
次第曰中納言橘澄清以中關白為是知
學館院學生事云是定則中關白也公事報荒
日仁明天皇御母橘大后之祖神也自是定
事梅官攝家之人管領之也柳此是定也一人
之家事橘氏之公卿卿絕而後正月五日叙位可
行氏爵之事人無之故寬和之比中關白也

職原金 卷五

大納言之時蒙宣旨申行代爵之事也
栗田閑白御堂閑白此三人之母攝事守藤原
中正之女也彼中正之室者中納言攝事藤原
之娘也中閑白之外祖母也愚按系圖云系師
輔子○兼家長子
中閑白道隆也

內豎所別當 知內豎所事 一人必為其仁他人不

望之

○內豎源氏抄云左右近衛宿直事亥一刻左
近衛夜行官人始奏時至子四刻終之至一刻
右近衛宿直至卯一刻也內豎亥一刻奏宿直
左右限夜半也愚王井悅按內豎豎音樹是其
職似內舍人多用少年人御殿南有衣書殿內
豎直此殿勤駮使事或奏夜直之時也三代實
錄內豎奏時尅事天皇御喪不焚也又續日本
紀桓武天皇延曆八年曰高倉朝臣四信少年

而有強力遂聞內裏召侍內侍所當所別當則
掌內豎等也凡此內豎其始未詳孝謙皇帝天
平勝寶八歲有內豎淡海真人三船者始出於
此雖然不謂原始也又神護慶雲元年七月始
置內豎省以正三位弓削御淨朝臣淨人為卿
九月以從四位下卜部宿祢古磨為內豎負外
大輔同二年以正三位弓削御淨朝臣清人為
大納言內豎卿衛門督如元同年六月衛門大
尉外正五位下葛井連根主為兼內豎大丞置
省正始於此時也又凡匡房曰有內豎頭除日
之時多任伊勢若養濃極次有執事任掾云次
同大籍喚任和泉權且云此以上三人除自許
任也又次任內豎大籍奏時任大和少且次任
內豎別籍相模少且以上五人許任也○異朝
內豎例孔子家語曰內豎通內外之命叔孫穆
子奔魯宿唐宗之邑庚宗寡婦通焉生牛後穆
子返魯以子牛為內豎禮記曰文王之為世子
朝於王季日三鷄初鳴而衣服至寢門外問內

職原少 卷五

七三

豎之御者曰今日安否何如內豎曰安文王乃喜注陳氏曰內豎內庭之小臣也通鑑綱目曰肉豎周禮內豎掌內外之通令凡小事注豎未冠之者之官名也童子出入便疾故使之通命令治小事焉周禮禮首書曰豎謂樹又曰豎童豎也

內教坊別當

知女樂事

大中納言中堪其道之

人補之

○內教坊者女房舞妓也別當掌之也續日本紀曰天平寶字三年正月饗五位以上及蕃客并主典以上於朝堂作女樂於舞臺奏內教坊蹈歌愚按兼和年中內教坊妓女石川朝臣龜子叙從五位下又自刀自中為內教坊倡女也大畧叙從五位下也華菴曰內教坊者女之老者到雅樂寮習音樂則於內教坊教諸女房也○江匡房曰七日節會一獻國柝奏二獻仰御

酒勅使三獻內教坊別當奏舞妓云○異朝教坊例唐書曰武德後置內教坊于禁中武后如意元年改曰雲韶府以中官為使開元二年又置內教坊于蓬萊宮側始出于此時也又琵琶引曰本是京城女家在蟬喚陵下住十三學得琵琶成各屬教坊第一樂云

內膳別當

知內膳司事

大中納言中補之

○內膳者調和御膳之所也雖有奉膳以下職又以納言令監之也之曰此別當

御厨子所別當

內藏寮頭補之

○儲御膳酒肴類所也所々部曰御厨子所四位殿上人為別當以民部大輔五位為預也在後涼殿西庇以內膳內藏造酒木膳及諸御厨衛府御熱供朝飯及朝夕御用土器有別當所衆○江次第曰正月元二三獻御藥時御厨子所尋常御銚子御酒盞渡於藥殿又曰供立春

水事旧年封御生氣方人家井一用之後廢而不用之自御厨子所付臺盤女房供之朝餉云
桃花禪閣曰元日獻御厨子所御齒堅私云御齒堅者餅也御厨子所食廿日之齋也

大歌所別當

知大歌事

納言已上補之上古親

王之中又補之

○江匡房曰新嘗會時大歌別當奉舞妓大歌著承明門北壇上舞妓如常承和以前於舞臺舞其後立御殿南廂以中為上大歌別當不參之時以中納言可為大歌別當代官云云抄云習神樂催馬樂等之歌處也

記錄所

上卿

辨

開闔

寄人

以上依宣旨行其事

但於上卿辨者可令行記錄所事之由被下宣

旨也

○天下訴訟決斷之處也上卿者納言以上也辨弁官也日之職事也○開闔者與執筆人記錄訴訟之事也令支配下文於國々對決之人所等奉行也庭訓曰頭人上衆開闔石筆奉行人等為終日之御評定雖有窮局更無御休息被勸判之就問注所賦開闔重賦之執筆書與問狀奉書於訴人之時及兩度無音者仰使節被下召符云○神皇正統記日後三条院始置記錄所正國々之衰事延喜天曆以來識賢聖御事也後醍醐天皇瀛古被置記錄所夜半寢夙且起聞民愁給云武家賴朝時始置公文所東鑑曰元曆元年十月六日勅造公文所吉書始也安藝及中原廣元為別當著座齊院次官中原規能主計允藤原行政判官代邦道為寄

人參上云東鑑云文治二年四月記錄所事先
 日被計申之時被仰攝政訖諸方訴訟取可被
 央斷歎重可有急沙汰之被申訖建保年伊賀
 國壬生野庄者為春日社領而宇都宮弥三郎
 朝綱入道稱地頭押領之由與福寺住侶僧信
 賢所參訴也今日有其沙汰不能開東御成敗
 於記錄所被遂對決可宜之由被仰下云又因
 人樋口次郎兼光被渡時上卿藤中納言職事
 頭弁雅光
 朝臣云

樂所別當

知樂所事

堪其道之公卿補之

○日本紀欽明天皇十五年二月始自百濟國
 貢樂人云所云部日樂所在桂芳坊云○異朝
 樂之始事物紀原云世本曰伏儀造琴瑟是始
 為樂至黃帝命伶倫考八音調八風為雲門之
 樂則其事
 於是備

大學別當

親王大臣納言中補之近代中絶畢

○大學寮之別當也凡別當皆監察其事者也
 內膳大學者牽膳頭助以下掌司寮之政也別
 當者不掌其事只為棟梁令監其事也內膳天
 子御膳所也大學者天下精英秀士所集也置
 別當令監其
 事最當理也

職原引事大全卷之五終

事... 職原抄... 卷之六... 卅六

職原抄引事大全卷之六

後學植木悅 集註

藏人所

○所六部司藏人所在按書殿有別當左大臣一人頭二人預人八人出納三人小舍人六人...

嵯峨天皇御宇弘仁年中初置之摸異朝侍中内

侍等職歟彼侍中尤為重任內侍者宦者之任也
或有卑之代或有貴之時古來宦者知事先賢之
所謗也

○侍中內侍環濟要略曰侍中古官也風后為
黃帝侍中初學記曰秦取古官制本丞相史也
丞相使史五人來往殿中奏事故謂之侍中後
魏初為樞密之任梁亦以為宰相職事唐侍中
與中書尚書二令並為真宰相矣異朝代人
侍中為重任也後漢書曰侍中比二千石本注
曰無負掌侍左右贊導眾事顧問應對法駕出
則多識者一人參乘餘皆騎在乘輿車後本有
僕射一人○內侍事物紀原曰周官有巷伯寺
人及內小臣之職也戰國時趙有宦者令秦置
中常侍漢有謁者內侍之官而不言其府北齊
始置中侍中省隋改曰內侍唐因之愚曰內侍

宦者任是謂唐高力士也高力士將軍知內侍
省事則宦者也下詳亦前漢宦者少府屬官也
後漢宦者黃門屬官也至唐高力士宦者任至
貴也說文宦仕也宦者亦近習名也俗作宦非
也高力士宦者而專執政事如天子李輔國終
誣之力士長流巫州故謂先賢之所謗也言異
朝侍中內侍職同日本藏人所職也

唐玄宗以內侍高力士為一品將軍亦降內侍執
文武之柄遂亡唐祚依之執政之官太惡宦者

○唐書宦者列傳上第一百三十二曰高力士
滿盜曾孫也聖曆初嶺南討擊使李子申上二
關兒曰金剛曰力士武后以其疆悟敕給事左
右坐累遂出之中人高延福養為子故冒其姓
善武三思歲餘復得入禁中稟食司官臺既壯
長六尺五寸謹密善傳詔令為官圍丞玄宗在
藩力士傾心附結已平韋氏乃啓屬內坊擢內

給事先夫中以誅蕭岑等功為右監門衛將軍
知內侍省事於是四方奏請皆先省後進小事
即專夫雖洗沐未嘗出眠息殿惟中微倖者願
一見如天人然帝曰力士當上我寢乃安當是
時宇文融李林甫蓋嘉運韋堅揚慎矜王鉷楊
國忠安祿山安思順高仙芝等雖以才寵進然
皆厚結力士故能踵至將相自餘承風附會不
可計皆得所欲中人若黎敬仁林昭隱尹鳳翔
韓莊牛童劉奉廷王承恩張道斌李大冝朱光
輝郭全邊令誠等並內供奉或外監節度軍備
功德市鳥獸皆為之使使還所哀利動巨萬計
京師甲第池園良田美產占者什六寵與力士
略等然悉藉力士左右輕重乃能然肅宗在東
宮凡事力宅王公主呼為翁戚里諸家尊曰
著帝或不名而將軍力士勿與母麥相失後嶺
兩節度使得之罷州迎還不復記識母曰曾有一
七黑子在否力士祖示之如言母出金環曰兒
所服者乃相持號慟帝為封越國夫人而追贈

其父廣州大都督延福與妻及力士貴時故在
侍養與麥均金吾大將軍程伯獻約力士為兄
弟後麥亡伯獻縲紲受弔河間男子呂玄晤吏
京師女國姝力士娶之玄晤擢刀筆史至少卿
子弟仕皆王傳玄晤妻死中外贈賻送葬自第
至墓車徒背相望不絕始李林甫牛仙客知帝
憚幸東都而京師漕不給乃以賦粟助漕及用
和糴法數年國用稍充帝齊大同殿力士侍帝
日我不出長安且十年海內無事朕將吐納導
引以天下事付林甫若何力士對曰天子順動
古制也稅入有常則亦不吉勞今賦粟充漕臣
恐國無旬月蓄和糴不止則和藏竭逐末者衆
又天下柄不可假入威權既振孰敢議者帝不
悅力士頓首曰陳心狂易語謬當死帝為置酒
左右呼萬歲由是還內宅不復事加累驃騎大
將軍封渤海郡公於來廷坊建佛祠興寧坊立
道士祠珍樓寶屋國貨所不逮鐘成力士宴公
卿一扣鐘納禮錢十萬有佞悅者至二十扣其

少亦不減于都北堰澧州五磴日儼三百解直
有表思藝者帝亦愛幸然驕倨甚士大夫疏畏
之而力士陰巧得入譽帝初置內侍省監二真
秩三品以力士思藝為之帝幸蜀思藝遂臣賊
而力士從帝進齊國公帝聞肅宗即位喜曰吾
兒應天順人改元至德不孝乎尚何憂力士曰
兩京失守生人流亡河南漢北為戰區天下痛
心而陛下以為何憂臣不敢聞從上皇還進開
府儀同三司實封戶五百上皇徙西內居十日
為李輔國所誣除籍長流巫別力士方逃瘡切
臣閣下輔國以詔召力士趨至閣外遣內養授
謫制因曰臣當死已久天子哀憐至今日願一
見陛下顏色死不恨輔國不許寶應元年赦還
見二帝遺詔北向哭歐血曰大行升遐不得攀
梓宮死有餘恨慟而卒年七十九代宗以護衛
先帝勞還其官贈揚州大都督陪葬泰陵初太
子瑛廢武惠妃方嬖李林甫等皆屬壽王帝以
肅宗長意未決居忽不食力士曰大家不食

亦膳羞不具耶帝曰爾我家老婦我何為而然
力士曰嗣君未定耶推長而立孰敢爭帝曰爾
言是也儲位遂定天寶中邊將爭立切帝嘗曰
朕春秋高朝廷細務付宰相蕃夷不襲付諸將
寧不暇耶對曰臣聞至閣門見奏事者言雲南
數喪師亦北兵悍且疆陛下何以制之臣恐禍
成不可禁其指蓋謂祿山帝曰卿勿言朕將圖
之十三年秋大雨帝顧左右無人即曰天方災
卿宜言之力士曰自陛下以權假宰相法令不
行陰陽失度天下事庸可復安臣之銜口其時
也帝不答明年祿山反力士善揣時事勢候相
上下雖親昵至當覆敗不肯為救力故生平無
顯大過議者頗恨宇文融以來權利相賊階
天下之禍雖有補益弗相除云○玄宗名隆基
睿宗第三子自唐元祖高祖淵六代帝也此時
高力士任驃騎將軍為儀同三司故曰一品將
軍也亡唐祚者謂力士任將軍執武權也知內
侍省事專掌奏請執文權也故曰執文武權亦

初力士得楊玄琰之女楊貴妃壽邸貴妃壽王之妻也玄宗聞其艷美命高力士得之是所以亡唐祚之本也後祿山起亂玄宗徙蜀也

本朝不必然弘仁以往少納言及侍從為近習宣

傳之職而此御宇初置當所以公卿第一人為別

當左大臣為別四位侍臣中殊撰其人為頭但上

五位頭代無之五位中又撰補三人六位中又撰補四

人謂之職事又為要籍駙使六位中撰良家子令

候殿上謂之非藏人

○此御宇者嵯峨御宇也昔者少納言侍從為近習官無藏人自嵯峨以後置藏人掌近習宜傳雖有少納言侍從不掌宣傳也○要籍駙使

韻會要勤也藉郭解傳以軀藉友執仇藉古藉字謂借助也言勤助駙使也或言以要善籍駙殿上

凡殿上事頭以下職事所奉行也依之聽昇殿輩

併以頭為貫首雖位階上薦必著其座下是流例

也但非參議大辨猶不著其下云重其職故乎執

頭之輩雖大辨猶著其下也

○按禁秘抄曰上古殿上八百人計有之順德院代及七八十人此內勤仕近代六番勤之但依其人卅日皆勤之事也此外非藏人小舍人令殿上也幼少人或大臣子免番也但可依時也貫首殿上人為上座之任也位階自貫首雖高位必於殿上著貫首之下也殿上人結番記其姓名於板曰之殿上簡也貫首掌之也非參議大辨者前官宰相大辨也或曰非任參議只

大辨事也大辨大略兼在參議也去參議職大辨曰非參議大辨但此章可只大弁也○萃菴曰凡官位座配者官高則不論位階可著上也官位相當則古參之人著上此藏人頭於殿上為規模官故雖高位人著藏人下但可依人也

別當

為公卿第一人補之世俗稱一人者執柄也一人一所稱之於禁中者殿稱之衆人殿下稱之自往昔無異儀稱一上者執柄之外第一大臣也當所別當一上所補也是執柄依執天下之政無其服仍官中諸公事併與奪次大臣之故以次人為一

上也殿上事准之可知之

○一人一所殿殿下共關白稱也第一一人一上共次大臣也凡太政大臣為關白則以左大臣曰第一一人亦左大臣為關白則以右大臣曰第一一人或曰一上也詳于太政官下亦曰太政大臣必無職掌之官也故不行一上事也○異朝殿下例事物紀原曰漢皇太子諸王稱殿下唐於皇太后亦稱之魏志太祖定漢中杜襲始呼之時操封魏王故襲呼殿下按此自杜襲始呼也西陽雜俎曰秦漢以來於天子言陛下皇太子言殿下將言磨下亦曰今呼三公曰閣下云與日本少違也

頭二人 仙籍 貫首

○五位補頭例寬平三年三月二十九日管家補藏人頭于時正五位下式部少輔云○嵯峨御宇弘仁元年三月始以從四位上左衛門巨

勢野足從四位下中務藤冬嗣為藏人頭凡藏人近代名家經藏人攝家清華任中將不補藏人也上古無其差別也○仙籍宗尤曰仙殿上意也籍簡也記殿上人各板簡曰之殿上簡或曰殿上日給也藏人頭掌之故稱仙籍亦聽屏殿人号仙籍此心也○貫首百云頭殿上管領也葱而殿上人貫首也重代人々公達名家殊撰器量補之凡山門三千僧統領曰貫首則此也愚按孔安國孝經序曰顏回閔子者孔門三千人弟子貫首也仙籍見事文類聚秘書監篇

四位殿上人中清撰之職也辨方一人近衛司方一人補之常例也凡頭者當職之時不依位次者諸侍臣之上有參議闕者必任之仍古來為重職又奉行大小公事之間非器無才之輩不能競望

者也以之思之雖末代可謂清撰歟昔東三條攝政兼家公為藏人頭叙三位帶中將後任中納言猶為藏人頭希代之例

○辨方大辨也近衛司中將也藏人頭二人中一人大辨補之一人中將補之侍臣四位殿上人也○兼家公者右大臣師輔第四子号東三條正曆元年五月出家法名如實同年七月二日薨六十二歲○不依位次雖位高人著頭之下是侍臣之事非公卿著頭之下也

五位藏人三人唐名仙郎夕拜或夕拜郎

○宗尤曰仁和四年十一月始以正五位下左少將源湛正五位下左少將藤敏行為五位藏人東山府首云弘仁元年三月始置殿上并藏人所頭二人藏人八人補之仁和四年補五位

藏人二人正五下源湛左少將正五下左少將
藤敏行藏人八人之內也永治以來近衛院代
始五位三人六位五人六畧為定式○夕拜後
漢書曰漢舊儀曰黃門郎屬黃門令日暮入對
青瑣門拜名曰夕郎獻帝起居注曰帝初即位
初置侍中給事黃門侍郎負各六人出入禁中
近侍帷幄省尚書事云前漢侍中黃門郎者則
藏人職也○仙郎仙殿上之心凡殿上事掌次
頭故曰仙郎愚按白居易詩
仙郎靜翫禁圍間文集十四

五位殿上人中名家譜第殊撰其器用所補也補
當職者次第昇進已為恒規是故以補當職已為
出身之初云常例先任八省輔治民次任勘解由
次官次任廷尉佐次補五位藏人次任辨官是順

路也補藏人之日帶任尉佐是第一勘解由次官

是第二少輔等是第三以之知朝獎之淺深也自

廷尉佐補藏人兼辨官此為至極之朝獎所謂三

事兼帶頗選中之選也次補藏人頭猶帶辨是亦

稟其家非其器者去辨任次任參議有其闕者藏

他官也是故頭辨為規模人頭任之是

常例故也又公達為中少將侍從之輩有誓古之

人望補此職是為表其才也不練習舊章不稟受

口傳者尤可有斟酌也至于今非其才補其職者
忽招耻辱殆失於身者也

○出身自下官昇高官者也此章謂藏人昇進次第也藏人依其人任參議也自藏人至參議其次第必有其道詳于本書也獎勵也○誓古者能知故實入也文選東都賦憲章誓古注向曰憲法也言法其舊章考其古事云言公達中少將侍從請以補五位藏人也為顯其自文才也○三事兼帶萃菴曰廷尉佐五位藏人辨官此三官兼帶也此人補頭則必去三事兼帶也若頭兼辨官則清撰至也○斟酌遺達云斟猶取酌行也量已之心也

頭及五位藏人必聽著禁色拜賀以前被下宜

旨例也但自本聽禁色之人更不及宣下

○禁色萃菴曰表袴又裙等用織物付紋者自公卿以下人不著四五位人著無紋也又綾小袖著物也三位以上服也四位以下不著綾但藏人近習官也故雖五位著禁色地青織物付白

藤九指貫公卿著也織殿曰八絡藤又鳥襪者大臣子清華子著之束帶時白袴有石疊紋雖職事著之但藏人常束帶也不著指貫但可依時用之乎地藤色白藤九指貫攝家清華公卿著之宗尤曰禁色謂綾織物織物裾下襲表袴指貫等也不聽禁色人用平絹但夏下襲用無文毅也○拜賀補藏人時拜天子故曰拜賀萃菴曰拜賀不限藏人任官時皆拜天子也立左右左右居左右左右地拜二返禮拜如此是曰之拜賀又曰奏慶但辨官拜賀與藏人拜賀有少違辨官於陳座官務行之藏人於殿上給臺盤湯漬外記行之○但自本者自始也自不補藏人前聽禁色入改不及宣下也宣旨宣下同聽禁色之宣下也

六位藏人四人

重代諸大夫中不放埒有器量之輩補之地下

諸大夫多以是為先途雖五位以後以藏人五位為規模之故也藏人者不依年齒老少以當參次第定上下至于極薦者必預巡爵若有奉公之志者除其籍更加末座也六位藏人奉行禁中細々公事朝夕御膳等事稱之日下薦也四人分日令奉行故也六位職事又聽禁色至極薦者著翅塵袍是申下御服之儀也晴時雖下薦著之第二薦稱之差次第第四稱之新藏人也

○按弘仁年始置藏人此時未置五位只六位八人在之其後仁和四年十一月始置五位藏人也○禁秘抄曰六位藏人負數五人中古六人常事也七人有例此職給御衣只時被捨等給之不及子細初參之時可然人子外不給也又初參之時御前召之非藏人轉職事時不召可然人子又幼少等夜參又一日三日召一月中也尋常事也成長凡卑者七日也暑氣寒天五六日召故實也召朝餉古藏人一人具參之次內侍問年是流例也又非朝餉隨時召使宜之所例也公卿侍臣子直補之其外以次第補之第一公卿侍臣子第二非藏人三執柄勾當四院藏人并母儀藏人私曰女院家六位藏人事也第五所雜色六成業儒七所藏人判官代○諸大夫補六位藏人則殿上也後叙五位則飯地下不殿上是例也但經殿上六位一人一段規模也稱之藏人五位也○放埒下學集曰人不順法度如生馬放埒也先途極官之心當

參奉公年數年久奉公人雖年幼必令上座也
 極薦四人中第一藏人也巡爵同也爵謂從五
 位下也言極薦必巡同來可叙五位也但此人
 叙五位則去藏人職任他官降地下不能殿上
 故有奉公之志人者不在他官去極薦為新藏
 人列四人未座此曰還昇殿上人也四人別
 日者一日一人四日四人勤奉公也○麴塵袍
 宗尤曰天子御服也世曰之山鳩色又曰黃檀
 染也紋桐竹鳳凰也愚曰下黃而上青也似柳
 色故麴塵文選十三曰峯攢石碌点柳統麴塵
 之絲白居易詩林鶯何處吟筆柱墻柳誰家
 曝麴塵云亦此章第二薦四薦有之三薦無之
 三薦呼姓也藤原曰藤藏人源曰源藏人也○
 御記曰凡補藏人延喜天曆御記頭奉勅向大
 臣亭仰之又召御前仰之或又彼御時內侍宣
 也頭以下五位藏人下知之小舍人向彼家也
 非藏人 無負數

○禁秘抄云非藏人四人也間々五人也六人
 有例不可然事也

重代諸大夫中未補藏人之間先遂昇殿此曰
 非藏人又云非職之者不奉行公事不著禁色
 已上 宣下之職也但藏人者頭以下非上卿
 奉 勅之宣所謂內侍宣也管領職事兼御召
 仰出納令告知其人也藏人頭以下六位藏人
 已上書位署之時書加其名是古來例也

○未補藏人者言諸大夫未補六位藏人人先
 補非藏人令昇殿有六位闕後必補六位也○
 上卿奉勅萃曰藏人任官者太政官不奉行也
 內侍奉勅補之也管領職者謂頭也補藏人頭

內侍奉勅召出納仰乏出納又召小舍人告內侍宣小舍人自行任人家告知之也○書位署法見于追加篇又書加其名書以藏人諸官之上也內侍則女房也掌侍事也今世勾當內侍曰長橋房是也位署藏人頭權中將藤原基音藏人左少辨藤原之類也皆可用諸官上三也

出納

○江匡房曰元日宴會之時藏人所出納渡殿上見參於外記七日節會又同又曰出納兼國自御所以申文被下多任近江掾也○清原宗尤曰出納非官於殿上諸事奉仕者也有四人曰一薦二薦三薦四薦四薦曰新出納出納二字出于書經出納朕命惟允聽下言納於上受上言宣於下必以信○禁秘抄云出納三人是藏人方一切奉行者也夜陰外不衣冠又候御盡賚事無先例堀河院御時如鳥闕被召連

小舍人

不耳事也出納上古內親王大臣等舉申藏人下知下名付學生明法等諸國目補之愚曰出納一切政務之時雜之致取次職也故曰出納此書次第相違也禁秘抄次第者非藏人次雜色次所衆次瀧口次出納次小舍人也

以上皆有重代經歷之輩

○宗尤曰小舍人六人近代十二人漿米白張狩衣立烏帽子乎殿上人之出納御倉等下雜事召使也○禁秘抄云小舍人一向頭藏人註也如出納如鷄鬪合事彼御時例也不其心堀院例也近年万事雖廢彼等不見目近代好華族動存無禮尤不可然清涼殿御漿束立屏風設鋪類也時頗好昇殿予度々以藏人追下畢近代公事六位無沙汰偏只出納小舍人沙汰也誠雖為奉公者送日潤屋躰也著美服又

望衛府志判官尤不似先例昔多白張裝束也
普通衣冠猶希也况著衛府裝束近日事也可
正小舍人召加藏人下知有各符乎小舍人多
補史生○愚曰小舍人常居校書殿也有御用
召昇殿上校書殿在殿上南也殿上橫敷坤角
柱付蘇芳綱付鈴召小舍人之時藏人引之是
自二條院御時始也始用馬寮指綱也此曰鈴
繩也○重代經歷者親王大臣家重代之家司
諸大夫或侍等也

雜色

良家子補之

○禁秘抄本貞數八人代々皆轉藏人仍公卿
子孫又可然諸大夫多補之雖為諸院官判官
代藏人不可著指貫只狩袴躰也上古上卿仰
乏近代頭下知藏人藏人仰出納下名簿○東
鑑治兼北出雲時澤為雜色長也此時時澤度

度自京都為御使下鎌倉也○良家子可然諸
大夫子也

所眾

六位侍可然之輩補之

○禁秘抄云藏人所眾貞廿人也又有官不可
過一人所眾伴官也譽拂日月蝕席引役蝕時
以席蔽御殿也又諸御裝束奉仕之時昇殿佛
名名諺猶上箕子九人内少々召仕近候壺流
例也或給所々公役又上自給也藏人仰出納
下名簿任所眾作法也六位著藏人所々眾束
帶付簡藏人令付之居湯漬之時藏人退故實

瀧口

同上堪武勇之輩可補之云

○異本曰瀧口九人此内一薦二薦三薦已上
謂之上薦三人座敷以初參定上下但堪上且
上薦三人若問籍下仕十日四薦以下五箇日
云四薦号事行有官瀧口永仁被置之任日

定座歟○愚曰異本注今本無之瀧口禁中侍
之官也以源平重代侍奉之其番所在清涼殿
後良邊也寬平御宇被置之其後連綿置之貞
元人內上薦三人一箇月十日勤番堪上日者
給春夏祿事也問籍者記瀧口戶通人姓名奉
藏人以奏聞曰之問籍有官瀧口者瀧口任官
在右馬允也○東鑑曰兼元四年五月十一日
御家人中可參候本所瀧口之由被仰下之間
早任勅宣可構參之由今日被下御書小山
千葉三浦秩父伊東宇佐美後藤葛西以下家
家十三流奉之皆是有譜第之寄禁秘抄
曰瀧口大畧同所衆但白地不昇殿著布衣且
暮候砌無官或內舍
人將曹志等補之

諸國

神武天皇即位之初繼神代之蹤都日向國宮

崎宮此時天下草昧封域未定東征之後初平
中州定都於大倭國橿原宮亦來闢四門朝八
方歷代因准漸開諸道十代崇神天皇十年遣
使於四方所向皆以臣伏同年十月更命四道

將軍進發

○此段謂日本國開闢之次第也繼神代蹤者
自天孫瓊々杵尊以來代々地神皆住日向國
神武者葺不合尊子也同住日向國後東征而
入倭國也上詳○草昧韻府曰天造草昧易屯
卦天造謂時運草謂草亂無倫序昧謂冥昧不
明封聚土為對諸候守土取其增高之義域字
彙界房也言神武始入大和時天下無封境之
差別如草亂也○四道將軍事詳于外武官下

○日向國上古無日向各景行天皇十七年幸筑紫子湯縣遊于丹蒙小野時東望之謂左右曰是國也直向於日出方故号其國曰日向也日向名始于此

第十三代成務天皇四年始定國造同六年始

分國境國造乃國司名也後改云守也

○日本書紀成務天皇四年春二月丙寅朔詔之曰我先皇大足彥天皇景行也聰明神武膺錄受圖治天順人撥賊反正德伴覆燾道協造化是以普夫舉土莫不王臣稟氣懷靈何非得處今朕嗣踐寶祚夙夜兢惕然黎元蠢爾不悛野心是國郡無君長縣邑無首渠者焉自今以後國郡立長縣邑置省即取當國之幹了者任其國郡之省長是為中區之藩屏也五年秋九月令諸國郡立造長縣邑置稻置並賜楯示以爲表則隔山川而分國縣隨阡陌以定邑里

因以東西為日縱南北為日橫山陽曰影面山陰曰背面是以百姓安居天下無事云○愚曰至成務始開國郡別封境始置國造但上古以國守皆云國造至皇極天皇時始改國司歷代皆云國司至文武天皇改國司曰國守但國造名自神武時有之諸國立國造成務始也

凡國司之撰和漢重之此云京鮮之職又云分

憂之官

○老子經治大國章曰治大國若烹小鮮注烹小鮮者攪之則碎治國者攪之則亂清淨無為為安靜不擾此治國之道也○分憂杜子美曰天子當分憂之地云抄云孟子曰憂民之憂民亦憂其憂云言國守與民同憂也故曰分憂

漢宣帝稱曰與我共治者唯良二千石乎云誠

是當一方之重寄察百姓之寒苦非庸才之所
可企望故昔時固設格制以勤治不令合格者蒙
賞違格者被黜是所以擇良吏也

○書言古事曰二千石太守祿秩二千石漢宣
帝曰庶民所以安其田里而亡勒息愁恨之聲
者政平訟理也與我共此者惟良二千石乎良
賢也治唯二字本傳作此惟也今以守稱二千
石按漢制秩二千石者尤重祿諸卿皆得二千
石今國守位卑而秩重則得二千石故稱二千
石乎○庸才無才智人也無才人不可望國守
也格制弘仁格也凡國守養民之本也故昔大
撰國守賢不肖每年除自勘解由主計主稅勘
其國正稅公廩雜稅勘定并其民安否若共合
格式則必蒙其賞違格式則用黜陟之法黜陟
式大國吏遺退下國近國吏遺遠國或貶謫或

刑罰等也良吏新樂府曰古之良吏有善政

大國

守 有權守相當從五位上 介 有權介 相當正六位下

椽 大正七位下 有權大椽
少從七位上 有權少椽

目 大從八位上
少從八位下

○職貢令曰大國守一人掌祠社祠祭也社換
按諸社戶口簿帳記百姓家人數也字養百姓
勸課農桑糾察所部貢舉孝義百姓有孝義者
奏之京都田宅良賤訟訟租調倉廩徭役兵士
器仗鼓吹郵驛傳馬烽候城牧過所公私馬牛
闡遺失亡無主物曰闡遺雜物及寺僧尼名籍
事餘守准此其陸與出羽越後等國兼知饗給
饗食給祿也征討斤候斤逐也逐非常也壹岐
對馬日向薩摩大隅等國惣知鎮捍捍衛也鎮

職原錄 卷之五

衛寇賊也防守及蕃客販化三關國又掌關刻
關檢過人所刻塹柵所及關契事介一人掌
同守餘介准此大椽一人掌糾判國內審署
文案勾稽失察非違餘椽准此少椽一人掌
同大椽大目一人掌受事上批勘署文案檢
出稽失讀申公文餘目准此少目一人掌同
大目史生三人○愚曰上古无守介椽目之官
文武天皇時始置之但此時無權官後代置權
權大畧遙授也正者居其國執政務權者其身
居京都以為兼官日之遙授也椽玉篇與緝切
也日本訓勢守也凡守掌其國政一切事也介
次守椽目書其公文作帳其外細事皆椽職也
目一向執筆役也史生又書紀雜事或勒守之
使公用令驅仕也此外每國有郡司博士醫師
昔諸國建學校博士一人讀經籍守以下子若
孫親屬或凡民俊秀者入學校而習之其傍建
孔子廟春秋二仲釋奠見于首卷又醫師一人
讀醫書凡其學生大國五十人上國四十人中

國三十人下國二十人醫生各減五分之四或
曰學校之法誠善政也今不載職原抄何哉答
曰上古皆有此政則令及延喜式所載也自保
元年以後天下移平家上古法悉廢又後醍醐
之時無此法故不載職原抄也○官位令曰大
國守從五位上同介正六位下大椽正七位下
少椽從七位上大目從八位上少目從八位下
令各無權官

上國

守 從五位下
有權守

椽 從七位上
有權椽

介 從六位上
有權介

目 從八位下

大上國守相當五位也依之其身雖六位除目
之時執筆之人押以書從五位下不待勅處分

者也

○職負令上國守一人介一人掾一人目一人
 史生三人其職掌皆同大國官位令上國守
 從五位下介從六位上掾從七位上目從八位
 下各無權官○勅處分者言任大上國人必五
 位也六位人任之則執筆書從五下是作法也
 雖不聞勅旨押書之故實也○凡國守以下掾
 田者給其國公廩也獻天子田曰正稅給國守
 以下田曰公廩也續日本紀曰孝謙天皇天平
 寶字元年十月太政官所分比年諸國司等交
 替之日各貪公廩競起爭論自失上下之序既
 虧清廉之風於理商量不合如此今故立式凡
 國司處分公廩式者惣計當年所出公廩先填
 官物之欠負未納次割國內之儲物後以見殘
 作差處分其法者長官六分次官四分判官三
 分主典二分史生一分其博士醫師准史生例
 負外官者各當色私曰負外者權也○延喜式

中國

曰凡諸國史生者大國五人上國四人中國三
 人下國二人並不得在當國人凡郡司者一郡
 不得併用同姓

守

正六位下

介

官位令中國無介

掾

正八位下

目

大初位下

○職負令曰中國守一人掾一人目一人史生
 三人官位令曰中國守正六位下掾正八位上
 目大初位下○中國守以下職掌同大國又弘
 仁格中國有介官位令無介後代皆置介又曰
 掾正八上也本書作正八下非也貞觀七年格
 能登丹波石見長門
 土佐日向等置介

下國

職原鈔

引事大全卷六

十七

守 從六位下

掾 從八位下

目 少初位下

○職負令下國守一人目一人史生三人職掌皆同大國官位令下國守從六下目少初位上云此書作自少初位下非也令無掾後代置掾○延喜式曰凡國司處分公廨差法者大上國長官六分次官四分判官三分主典二分史生一分中國無分則長官五分下國無掾則長官四分負外司准當負但陸與國博士醫師陰陽師並准自鎮守府將軍准守軍監准掾軍曹准目醫師督師准史生若帶國者不須兩給其按察使准當國守記事准掾○田令曰凡在外諸司職分田大國守二町六段上國守大國介二町二段中國司上國介二町下國守大上國掾一町六段中國掾大上國目一町二段中下國目一町史生如前○戶令曰凡郡以廿里以

下十六里以上為大郡十二里以上為上郡八里以上為中郡四里以上為下郡二里以上為小郡又五十戶為里六町為一里愚曰一國政守以下掌之一郡政郡司知之每一郡有大領少領主政主帳都曰之郡司也大領長官也少領次官也主政判官也主帳主典也凡古年真法者田長三十步廣十二步為一段十段為町一町公田上田五百束中田四百束下田三百束下下田百五十束令收納又百姓男二段女減三分一給之充百姓糧曰之口分田又有租稻就一町取二束二把也但一束奮米五升也是古法賦民者薄故民安國富詳于首卷○延喜式凡太政官并左右辨官史生召使等每年一人除諸國主典主典目也式民兵部史生每年一人任諸國目內記史生勞滿十年者准太政大臣史生任諸國目

唐名

職原

卷六

守

刺史

使君

宰吏

介

別駕

掾

司馬

目主簿

郡司

縣令

○刺史後漢書曰外十二州每州刺史一人六百石本注曰孝武帝初置刺史十三人秩六百石成帝更爲牧秩二千石建武十八年復爲刺史十二人各主一州○使君秘笈新書曰裴俠守河北入周太祖命獨立曰裴俠清慎奉公爲天下最有如俠者與之俱立衆默然朝野嘆服號獨立使君書言故事曰羅敷陌上桑行使君從南來五馬立躊躇愚按三體詩有元史君始爲楚太守後移越但元名也史君太守也元唐世人也○宰吏謂主邑者曰宰治國者曰吏太公陰符曰爲君守成爲吏守職爲民守事如此各居其道則國治是也○牧宰漢成帝改刺史爲牧又書經十二牧皆太守任也國宰又上同○太守日本者親王任國守曰太守異朝國守

之号慈曰太守秦曰郡守掌理其郡秩二千石漢景帝中元二年吏名太守太守各出于漢○長史今本作長吏非也書言故事曰漢景帝詔令長史二千石車朱兩轡注轡車箱名車之蔽也景帝下詔長史受祿至二千石者其所乘之車則左右各一朱轡云唐書曰上州刺史一人從三品職同牧尹別駕一人從四品下武德元年改太守曰刺史加使持節丞曰別駕十年改應州別駕曰長史長史一人從五品上司馬一人從五品下錄事參軍事一人從七品上錄事二人從九品下別駕治中長史司馬秦置郡丞以佐守在邊爲長史掌兵馬漢因之又設治中別駕主衆曹文書通典曰從刺史行部別乘一乘傳車故謂之別駕秘笈新書曰秦置郡丞以佐守在邊爲長史掌兵馬漢因之于定國條州大小爲設官負治中別駕諸郡從事晉因之而省郡丞至隋改別駕治中爲長史司馬煬帝罷之而置郡贊治後又改爲丞至唐而郡丞廢

矣有長史別駕○縣令按晉陶淵明為彭澤縣令唐書京縣令各一人正五品上丞二人從七品上主簿二人從八品上錄事二人從九品下有畿縣令上縣令中縣令下縣令也後漢書曰凡州所監都為京都置尹一人二千石丞一人每郡置太守一人二千石丞一人郡當邊戍者丞為長史漢始有長史事物紀原曰縣令自秦孝公始也○郡司者昔每一郡有大領少領主政主帳曰之郡司今世如郡代者也

凡國司者相當五位已下也然而雖四位已上或隨其望應其撰古今之例也或說歷七箇國受領合格之吏勘公文畢拜參議云白河院仰但可依其才云

○七箇國公文上卷參議下曰任參議有數道

左右大辨并近衛中將其才者藏人頭及勘七箇國公文受領等是也愚按守一國四年七箇國則四七九年受領也江匡房曰五箇國受領任參議云○合格吏者其國政皆叶格式之受領也格書名弘仁格也吏者受領曰吏又曰良吏也言行錄曰孫甫字之翰初謝絳知鄧州有惠政慶曆中范仲淹洎甫相繼守郡皆號良吏○白河院七十二代帝也言雖經七國受領無才人不可任參議也

又太守者為親王置之親王任時不知吏務仍件國以介為守乃令知吏務也權守者近代多是遙授之官也參議二三位中將少納言等必兼之又殿上六位藏人叙位之時預爵者即任

權守又例也納言以上貶謫之時任諸國權守也仍常儀參議兼國任納言之日即止之介權介者辨官近衛中少將等兼之

○親王任太守不知國政其身在京故其介知吏務因之以介曰受領也常陸上野上總三國有太守○遙授者其身在京而任權守人曰遙授也預爵者叙從五下也貶謫左遷也玉篇曰貶碑檢切減損也謫說文罰也言有罰減官也○中納言兼國者延曆六年中納言正三位藤原朝臣小黒磨為兼美作守○止之止去之也聖武天皇神龜元年定流罪遠近伊豆安房常陸佐渡隱岐土佐六國為遠誅訪伊豫為中越前安藝為近

畿內

五箇國此云五畿

○畿者詩商頌玄鳥之篇邦畿千里惟民所止云東陽許氏曰王者所居地方千里謂之王畿居天下之中四方之人環視內向云吳氏季子曰古者方千里曰王畿蓋自東而西自南而北皆千里也千里之內為畿○日本之畿內者日本紀曰孝德天皇二年春正月詔曰凡畿內東自名譽橫河以來南自紀伊兄山以來西自赤石嶺洲以來北自近江狹々浪合坂山以來為畿內國云始于此後代以五國曰畿也

山城上

○舊事紀曰檀原朝御世阿多根命為山代國造云延曆十三年七月改山背為山城源唱朝臣為重任之時奏河陽離宮為國府○民部式曰山城國上八郡山背野愛宕紀伊宇治久世綴喜相樂主稅式山城國正稅公廨各十五万束奪三束得米五斛正稅藏久分也此外寺社領池溝驛家修理料救急料皆畧之此以下

准之愚曰此曰洛陽取漢洛陽之義繼體五年遷都當國筒城今綴善郡也是始也其後遷所所至桓武時都當國長岡後遷平安城愚曰檀原神武天皇也垂仁天皇喚丹波道主五女為妃唯第五竹野媛形姿醜返於本土測羞其見返葛野自隨輿而死之故号其地謂弟國今訓也

大和

○舊事紀曰檀原朝御世以推根津彥命為大倭國造愚曰神武天皇始東征入倭國都而傍之檀原曰之檀原宮此時二年珍彥為倭國造是日日本國帝都并國造之始也日本紀神武三十一一年夏四月朔皇興幸因登腋上噉間丘而迴望國狀曰妍哉乎國之獲矣雖內木綿之真迹國猶如蜻蛉之醫帖焉由是始有秋津洲之号也昔伊弉諾尊目此國曰日本者浦安國細_{ホソ}戈_{ホソ}千_チ足_チ國磯輪_{イソ}上_ウ秀_{ヒコ}真_{マコト}國復大已貴大神目之曰玉牆內國及至饒速日命乘天磐船而翔

行太虛也觀是鄉而降之故因目之曰虛空見日本國矣或問昔以此國大和或名日本或名秋津國或大倭皆一國名而今以六十六國惣名号日本号大倭等者何哉答曰凡神代皆都日向國雖然未稱天皇之号至神武天皇始東征而入當國都檀原是時始稱天皇妃稱皇后嫡子稱皇太子是本朝帝都之開基也故以一國名為六十六國惣名蓋如謂文王起周以周為中華之惣名高祖興漢以漢為世名唐晉興唐晉則為世名是也善隣國寶記曰此國始傳漢字書國名時字則大日本而訓則邪麻土也漢書曰樂浪海中有倭人分百餘國然則前漢代既通吾國乎又後漢書曰大倭王居邪麻堆蓋此國使入到彼土云云又秦始皇時徐福來日本居紀伊國熊野云云續日本紀曰天平九年改大倭國為大養德國同十八年復故○民部式曰大和大十五郡添上郡添下郡廣瀨郡下忍海宇智吉野葛上城上山邊高市宇陀城下

市○拾苴曰天平勝寶改大倭為大和主稅式
大和正稅公廩各廿万束愚曰神武時推根津
彦始名珍彦是國造始又曰奈良者崇神天皇
誅反人填安野時官軍屯聚至那羅山布派那
羅湏故曰奈良

河内 大

○舊事紀曰柏原朝御世以彦已曾保理命為
凡河内國造云日本紀反正天皇元年冬十月
都於河内丹比是謂柴籬宮是當國遷都始也
神武東征時戊午年三月至河内國草香邑是
始出也民部式河内大綿部石川古市安宿高
安河内讚良茨田大縣若江志紀交野滋川丹
比十四郡正稅公廩各十四万九千四百七十
七束愚曰正稅奉天子公廩國守以下處分給
乏其處分差法見首卷又此國有大池曰狹山
池崇神六十二年多開池溝安農事狹山名出
于此時

和泉 下

○舊事紀曰和泉國造元河内國靈龜元年割
置芳野監則改為國云類聚國史曰元正天皇
靈龜二年四月甲子割河内國大鳥日根和泉
三郡始置和泉監六月丁子始置和泉監史生
三人延喜丹付用之置和泉國云或云天平寶
字元閏十二月十日割河内國置和泉郡○和
泉國下大鳥和泉日根三郡民部式○主稅式
和泉正稅公廩各八万束

攝津 上

○舊事紀曰攝津國造擬准法命謂攝津職初
為京師柏原桓武也帝代改職為國云格曰延
曆十二年三月九日停攝津職為國司云和銅
六年四月河邊郡置能勢郡舊事紀六卷戊午
年春二月丁酉朔丁未皇師即遂東舳艦相按
方到難波之碇會有奔潮太急因以名浪速國

亦曰浪花今謂難波訛也皇師神武天皇也愚
 曰攝字彙靜謐也漢書攝然天下安津湊津也
 言此國難波堀江者天下着形之津也帝都安
 泰之地也故曰攝津昔仁德天皇始都此國住
 高津宮致堯舜之治至于今奉稱聖帝也○民
 部式曰攝津上十三郡住吉百濟東生西成嶋
 下豐嶋河邊武庫嶋上八部能勢兔原有馬主
 稅式攝津正稅公廩各十八万五千束各者正
 稅十八万五千束公廩十八万五千束也諸國
 皆准之可知

東海道 十五箇國

○景行天皇五十三年秋八月丁卯朔天皇詔
 群卿曰朕顧愛子何日止乎真欲巡狩小碓王
 所平之國是月乘輿幸伊勢轉入東海冬十月
 至上総國從海路渡淡水門安房也是時聞覺
 賀鳥之聲欲見其鳥形尋而出海中仍得白蛤
 於是膳臣遠祖名磐鹿六鴈以蒲為手繪白蛤

為贈而進之故美六鴈臣之功而賜膳大伴部
 十二月從東國還之居伊勢也是謂綺宮愚曰
 小碓王者景行之皇子号日本武尊也凡始開
 東國者小碓王也又行幸之始者景行也磐鹿
 六鴈一人名也高橋氏祖也東海道名始出于
 景行時按分畿内七道者文武天皇始也又始
 分諸國東南西北者成務天皇始也東海者東
 方行海邊國也東山者東方行山中國也

伊賀 下

○民部式伊賀下四郡阿拜山伊賀名張主
 稅式伊賀正稅公廩各十三万五千束愚曰以
 郡名為國名

伊勢 大

○日本紀曰皇孫既降臨時天鈿女為先驅于
 時衢神名曰猿由彦天鈿女問曰汝誰也猿由
 彦曰吾聞天照大神之子降故奉迎相待天鈿

女復問曰汝何處到耶皇孫何處到耶對曰天神之子則當到筑紫日向高千穗德觸之峯吾則應到伊勢狹長田五十鈴川上云伊勢名始出于此又垂仁天皇二十五年三月離天照大神於豐稻姬命詔于倭姬命爰倭命求鎮坐太神之處而詣荒日篠幡更還之入近江國東迴美濃到伊勢國時天照太神誨倭姬命曰是神風伊勢國則常世之浪重浪歸國也傍國可憐國也欲居是國故隨太神教其祠立於伊勢國因興齋宮于五十鈴川上是謂磯宮愚曰天照大神始坐禁中崇神帝時始出於禁中坐大和國笠縫邑垂仁天皇時始坐伊勢國今內宮是也五十鈴川者在內宮今日宇治川也○民部式曰伊勢大十三郡桑名真辨朝明三重河曲鈴鹿菴藝安濃壹志飯高飯野多氣度會主稅式伊勢國正稅公廩各州萬束愚曰諸國定大上中下國事始文武天皇

志摩

高橋氏為內膳正者在之仍他人不在之

○高橋氏者膳部家也詳于內膳司并東海道下○民部式志摩下二郡倉志美真主稅式志摩正稅穀一千二百斛愚曰志摩小國米少故無公廩國守以下處分以尾張國米給之主稅式曰凡志摩國公廩料用尾張國錄海郡正稅穀給守三百石目百五十石史生七十五石○或問云志摩國必任高橋氏何哉答曰未考但按內膳式自大和志摩若狹紀伊淡路五國每月進天子御膳御贄此內志摩者小國近都故內膳正任之乎但上古不可限內膳正是後代例矣志摩國御厨鮮饌螺起九月盡明年三月月別上下旬各二擔味漬膾漬蒸饌玉貫御取夏籩等月別惣五擔雜魚十三擔風士紀抄云志摩者和名也以伊勢嶋之意也放地出海中鳴也後成

國名云

尾張上

○日本紀曰日本武尊征東夷而更還於尾張即娶尾張氏之女宮簀媛而淹留躰月於是聞近江膽吹山有荒神即解劍置於宮簀媛家而徒行之云或曰此劍草薙劍也本自大蛇之尾張出劍也始曰叢雲劍此劍留此國故曰尾張國今熱用明神是也○民部式云尾張上海部中嶋乘栗丹羽春部山田愛智知多八郡主稅式尾張正稅公廩各北万束

參河上

○風土記抄曰參河國有三河二曰男川二曰豐川三曰矢作川是也男川者河上有山神則白髮明神是也豐川者此河上有長者民屋豐饒故曰豐川矢作川者日本武東征之時於此川邊多作矢給故曰矢作川云○民部式參河上郡八碧海賀茂額田幡豆寶飯設樂八名渥

美自伊賀至參河為近國自遠江至甲斐為中國自相模至常陸為遠國主稅式參河正稅北万束公廩北万束延喜三年八月十三日割寶飯郡置設樂郡

遠江上

○舊事紀遠淡海國造云風土紀曰近江始書淡海自帝都近有大江故改近江又遠江始書遠淡海此國有大江自帝都遙遠故名遠江○民部式曰濱名敷智別佐鹿玉長上磐田山脊厚智山名佐野長下蔡原城飼十三郡主稅式遠江正稅北八万束公廩北八万束遠江上國

駿河上

○舊事紀珠流河風土紀抄云昔書湯流河也此國葛級河等有駿河故名○日本武東征之時初至駿河其處賊欺之曰是野麋鹿甚多臨而應狩日本武信其言入野中賊放火燒其野

王知被欺則王所佩劍叢雲自抽之雜撰王之傍草因是得免故号其劍曰草薙也此劍今爲熟田神体○民部式駿河上七郡志太益頭有度安倍廬原富士駿河主稅式正稅廿三万束公廩廿五万束愚白公田租稻合奉天子者曰正稅養困窮田曰賜急田養鰥寡孤獨救疾田曰憚獨田公廩給守以下官田○孝靈帝五年近江湖水始湛富士山始涌出

伊豆

下

○民部式曰伊豆下田方那賀賀茂三郡風土記抄云伊豆和名也東者相模西駿河出其中間之國故伊豆則出之儀也主稅式伊豆正稅公廩各六万五千束○日本武歷常陸至甲斐此時無伊豆名後代立當國乎又應神天皇五年科伊豆國令造船長十丈船既成之試浮于海便輕泛疾行如馳故名其船曰枯野枯輕之訓也

甲斐

上

○日本武東征之時歷常陸至甲斐云凡東國者上古未有國名自日本武東征始分東國名也民部式曰甲斐上山梨八代巨麻都留主稅式甲斐正稅公廩各廿四万束四郡也

相模

上

○景行天皇御宇日本武尊征東夷時初至駿河其處賊悉焚之滅之故号其處曰燒津亦進相模欲往上總望海高言曰是小海耳可立此渡乃至于海中暴風忽起王船漂湯而不可渡時有從王之妾曰弟橘媛穗積氏恐山宿禰之女也啓曰今風起浪必王船欲沒是必海神心也願以妾之身贖王之命而入海言訖乃披瀾入之暴風則止船得著岸故時人号其海曰馳水也云其後日本武逮碓坂時有願弟橘媛之情故登碓日峯而東南望之三歎曰吾孀者

耶孺訓菟摩故因号山東諸國曰吾孺國也阿
徒摩之名出于此時風土記曰足輕明神昔狩
人也或時離寵妻有悲傷故常見亡妻之鏡思
之相模如見其亡妻故曰相模相見也模形也
本歌曰阿志賀羅能佐賀美尔由加無多麻加
賀美波古祢乃屋方仁阿氣之安志多尔○民
部式相模上八郡足上足下餘綾大住愛甲高
座鎌倉御浦主稅式相模正稅公廨各三十万
束

武藏大

○日本武尊東征之時至甲斐國居于酒折宮
於是日本武尊曰蝦夷東夷曰蝦夷咸代其辜
唯信濃國越國頗未從化則自甲斐北轉歷武
藏上野西達于碓日坂云武藏名始出于此風
土記抄云武藏國袂父嵩者其勢如勇者怒立
日本武美此山奉為東征祈禱以兵具納埋岩
藏故曰武藏也以武具指置之儀訓牟佐志也

民部式武藏大二十一郡父良都鏡多麻橋樹
荏原豐嶋足立新座入間高麗比企模見崎玉
大里男衾幡羅榛澤那珂兒玉賀美袂父主稅
式武藏正稅公廨各四十万束

安房中

○養老二年五月日割上總國四郡置之天平
十三年十二月復舊其後又置日本紀景行天
皇五十三年秋八月詔曰朕顧愛子何日止乎
冀欲巡狩小碓王所平之國是月乘輿幸伊勢
轉入東海冬十月至上總國從海路渡淡水門
云淡水門今安房國也是當國行幸之始也民
部式安房中平群安房朝夷長狹主稅式安房
正稅公廨各十五万束小碓王日本武事也

上總大 有太守

○日本武進相模欲往上總云則從上總轉入
陸奥國云風土記曰上總下總總謂木枝也昔

此國生大楠長及數百丈時帝惟之則卜占之大史奏曰天下大凶事也因茲斬捨彼木倒南方也上枝曰上總下枝曰下總也順和名曰賀美都布佐云又此國守必任親王故曰太守其身有京都任上總太守故介代守行其國知吏務故以介曰受領又訓加美凡以介曰加美者限上總常陸上野三國也三代實錄云貞觀二正四品行上總太守本康親王為彈正尹上總太守如故云民部式曰上總大市原海上畔蒜望陀周准天羽夷瀨垣生長柄山邊武射十一郡主稅式曰上總正稅公廨各四十万束

下總

○民部式曰下總大萬饒千乘印播匝瑳海上香取垣生相馬後嶋結城豐田延喜四年改岡田郡為豐田郡主稅式下總正稅公廨各四十万束

常陸

大 有太守

○日本武尊自日高見國還之西南歷常陸至甲斐國居于酒折宮云風土紀曰此國之邊常滿鹽民家多有煩故宣曰此國云立成陸百姓安故曰飛多智也三代實錄貞觀二年二品行賀陽親王為常陸太守彈正尹如故○民部式曰常陸大十一郡新治真壁筑波河內信太茂城行方鹿嶋那珂久慈多珂主稅式正稅公廨各五十万束愚曰太守事詳于上總之下

東山道

八箇國

○東方就山中行道也景行天皇五十五年春二月成子朔壬辰以彦狹嶋王拜東山道十五國都督東山道名始出于此但此時分七道與今異者也為東山道八箇國後代事也

近江

大

○舊事紀淡海云昔曰淡海後代改近江見遠江所又藤原不比等封淡海十二郡故曰淡海公景行天皇五十八年春二月幸近江國居始也天賀三歲是謂高穴穗宮也是當國帝居始也天智天皇六年三月遷都于近江是時天下百姓不願遷都云○日本武聞近江膽吹山有荒神即解劍置於宮簀姬家而徒行之至膽吹山山神化大蛇當道爰日本武尊不知主神化蛇之謂是大蛇必荒神之使也既得殺主神其使者者豈足求乎因跨蛇猶行時山神之興雲零水峯霧谷瞠失可行之路乃捷遑不知其所跋涉然凌霧強行方僅得出猶失意如醉囚居山下之泉側乃飲其水而醒之故号其泉曰居醒泉也云或云居醒泉今日醒井是也民部式云近江大十二郡滋賀栗大甲賀野洲蒲生神崎愛智犬上坂田淺井伊香高嶋主稅式云近江正稅公廩各四十万束愚曰垂仁天皇時天照大神回近江美濃然則自上古作近江也舊事記

之時分改作淡海乎後代又為近江也

美濃_上

○舊事紀三野云或曰此國有大野三故曰三野後改美濃日本紀曰天雅彥當矢而死于時味耜高彥根命弔之天雅彥親屬妻子謂形相似味耜大忿而斫其喪屋此即落而為山今在美濃國藍見川之上喪山是也美濃名始出也愚頃年住美濃十年問藍見川事俗曰今垂井川又名藍川又川東北邊有小山形如錫頭所俗曰之喪山是乎又昔景行天皇四年春二月天皇幸美濃是行幸此國之始也其後天武遣大友皇子亂在美濃國野上邑按續日本紀養老元年天皇行幸美濃國到不破行宮覽當耆郡多度山美泉自盥手云醜泉養老故改元為養老元年愚曰養老龍場有孝子曰源丞內下日役京都一母飢食源丞內在京送年常思母安不拜天母下日為菓蔬入山至養老龍頭見

一醴泉汲之吞如甘露，飢則止，是所天養也。源丞內飯，卿而先見，毋容貌如少女。丞內大驚，問其故，毋語如此，則告國司。國司奏天皇，天皇大嘉瑞，自行幸見醴泉，則吞之，名曰養老泉。又改元養老，年見于彼地，緣起。○民部式曰：美濃上十八郡多藝，石津不破安房，池田大野本巢，席田方縣厚見各務山縣武義群上賀茂可兒上岐惠奈近江美濃為近國飛驒信濃為中上野至出羽為遠主稅式云：美濃正稅公廩各卅萬束。

飛驒下

○賦役令曰：凡斐隄國庸調俱免，每里點匠丁十人，每四丁給厠丁一人，一年一替，餘丁輸米充匠丁食，正丁六斗次丁三斗，中男一斗五外云：愚曰：飛驒或作斐隄，此國山林良木多大，工多故大工，召京都候木工修理之寮，故皆免庸調也。庸夫役也，調貢絹布綿之類也。匠丁大工

也。斯丁，召仕雜人也，採薪汲水之者，舊事紀作斐陀國也。風土記曰：飛驒本美濃國內也。然建近江大津宮時，自當國良材多出也。縣負木行大津如飛也，故号飛驒。其良材出山名曰嶺山。○萃菴曰：以飛驒山之智以木作寮，故實也。○三代實錄曰：元慶三年十月八日大極殿成。右大臣設宴於朝堂院含章堂，豐落也。饗預作事四位以下雜工以上及飛驒工等親王公卿百寮群臣畢會，喚大學文章生等令賦詩雅樂寮舉音樂，樂闋一曲之間，飛驒工等許人不璣感悅，起座拍手歌舞，合座大為咲樂。宴竟，賜稱名，有差是飛驒工造大極殿例也。○主稅式飛驒正稅公廩各四萬束，民部式飛驒下大野益田荒城。

信濃上

○天平三年三月以諏訪國并信濃國，日本紀曰：日本武進入信濃是國也。山高谷幽，翠嶺万

重人倚杖而難辨巖峻磴紆長峯數千馬頓轡而不進然日本武尊披烟凌霧遙徑大山既逮于峯而飢之食於山中神令苦王以化白鹿立於王前王異之以一箇蒜彈百鹿則中眼而殺之爰王忽失道不知所出時白狗自來有導王之狀隨狗而行之得出美濃先是度信濃坂者多得神氣以瘡卧但從殺白鹿之後踰是山者嚼蒜塗入及牛馬自不中神氣也續日本紀曰文武天皇大寶二年十二月始開美濃國木曾山路愚曰木曾山信濃也自美濃而入木曾山也與美濃之境有川曰之落合西美濃也東信濃坂也曰十石持也○民部式信濃上十郡伊那諏方筑摩安曇更級水內高井垣科小縣佐久主稅式信濃正稅公廩各三十五万束

上野

○順和名加美津毛野舊事紀上毛野愚曰凡日本本有三太守其外國不在太守上野國皇子

吏務之始者崇神天皇第一皇子豈城命始治東居上毛野下毛野是皇子國封之始也又三代實錄云二品行兵部卿忠良親王為上野太守兵部卿如故是其身居京都任太守也風土紀抄云上野下毛野者兩國中間有一野曰佐野笠懸野其野中有一河号渡瀬又有川曰佐野中川以此渡瀬為兩國境川西曰上毛野東曰下毛野川東為下川西曰上古今例也所以流東南也又毛者有田曰毛後除毛字○民部式曰上野大碓氷片岡中樂多胡綠野那波群馬吾妻利根勢多佐位新田山田邑樂十五郡上野國正稅公廩各三十万束昔日本武至上野登碓日坂慕弟橘媛望東南三歎曰吾孀者耶故因号山東諸國曰吾妻國也又近衛院時官女玉藻前化百狐走入下野國那須野原害入惟多帝遣三浦公義純上總公廣常驅之

下野

○舊事紀下毛野民部式下野上九郡足利梁
田安菴都賀寒川河内芳賀鹽屋那須主稅式
下野正稅公廩各三十万束

陸奥

○順和名美智能於久日本武則從上總轉而
入陸奥國時大鏡懸於王船從海路回於葦浦
橫渡玉浦至蝦夷境蝦夷賊首嶋津神國津神
等屯於竹水門而欲距然遙視王船豫怖其威
勢而心裏知之不可勝悉捨弓矢望拜之曰仰
視君容秀於人倫若神之乎欲知姓名王對之
曰吾是瑠人神之子也於是蝦夷等悉慄則褰
裳披浪自扶王船而著岸仍面縛服罪故免其
罪因以俘其首師而令從身也云或記云始書
六奥者近江美濃信濃上野下野奥州六國之
奥也故曰六奥愚曰陸奥者東方陸道之奥也
故云○民部式曰陸奥國大三十五郡白川磐
瀨會津耶麻安藝安達信太川田縣田各取

多磐城標葉行方宇多伊具理宮城黑川新
美色麻玉造志太栗原磐井江刺膽澤長岡新
田小田遠田登米桃生氣仙牡鹿○續日本紀
天平北一年二月陸奥國始貢黃金

出羽

○順和名以天波云和銅五年月日始割陸奥
二郡置之或說曰大寶元年辛丑始置之○民
部式曰出羽上十一郡家上村山置賜雄勝平
鹿秋田山本飽海河邊田川出羽主稅式正稅
二十万束公廩三十四万束愚曰出羽郡名但
上古自此所貢鷹就鳥羽故云出羽也

陸奥出羽按察使府

按察使 相當從四位下
唐名都護

近代納言以上兼之

記事 唐名都護錄事

○續日本紀元正天皇養老三年七月始置按察使。祖此時諸國置之。是置按察使之始也。其後天平寶字七年七月從五位上藤原朝臣田磨為陸奧出羽按察使。愚曰陸奧出羽大國也。故國字以下官外置按察使府也。其後又陸奧國置鎮守府將軍以下兵士居之為制賊徒也。按察使掌兩國政務。記事者記錄其政之任也。○近代納言任例三代實錄云貞觀元年十二月廿一日權中納言平朝臣高棟加陸奧出羽按察使。仁明天皇時兼和年大納言正二藤原良房兼陸奧出羽按察使。唐書曰大都護府大都護一人從三品副都護二人正四品上長史一人正五品上馬一人正五品下錄事參軍一人正七品上錄事二人從九品上掌統諸蕃撫慰征討叙功罰過愆判府事。按唐書景雲年置十

道按察使道各一人開元二年曰十道按察使。秋訪處置使至四年罷。八年復置。十道按察使。秋冬巡視州縣。十年又罷。十七年復置。十道京師兩畿按察使二十年曰採訪處置使。分十五道。天寶末又兼黜陟使。執兵司法司。上書佐皆為司功等參軍事。有府四人。史十人。大都督有府二人。史六人。中府有府二人。史三人。下府有府一人。史三人。大都護府有府一人。史二人。上府有府史各二人。愚曰養老年置按察使。准唐制也。唐睿宗時景雲年置十道按察使。其後改曰都護也。又日本天平年中陸奧國按察使文養德守兼鎮守府將軍也。前漢有西域都護是始

鎮守府 見武官下

將軍 副將軍 軍監 軍營

陸奧國者上古以來為邊要為其國境廣元明

天皇和銅五年九月分置出羽國元正天皇養

老二年置按察使令監察兩國事聖武天皇二

年陸奧國內又置鎮守府府國相並行國事云

○鎮守府事出于外武官下○鴻要國之末也
○續日本紀日和銅五年九月大政官議奏曰
建國辟疆武功所貴設官撫民文教所崇其此
道蝦秋遠憑阻險實縱在心屢驚邊境自官軍
雷擊凶賊霧消秋部晏然皇民無擾誠望便乘
時機遂置一國式樹司宰永鎮百姓奏可之於
是始置出羽國冬十月割陸奧國最上置賜二
郡餘出羽國焉○元正置按察使事上詳○聖
武置鎮守府事按聖武天皇時未置鎮守府其
後天平寶字五年閏十二月以從五位上田中
朝臣多太麻呂為陸奧守兼鎮守副將軍同九
年為鎮守將軍是有鎮守名未有置府之名其

後及仁明天皇兼和十年九月始陸奧國置鎮
守府是置府之始也見續日本後紀也○府國
相並者府鎮守府也國國守介掾以下也○邊
要延喜式云陸奧國出羽國佐渡國隱岐國壹
岐嶋對馬嶋右四國二嶋為邊要愚曰國未必
有凶賊惱亂萬民或為異國被犯暴故備兵士
守之為藩屏邊未也要要樞之心可備要之地
也又曰陸奧太守始者後醍醐天皇皇子始也

秋田城

為出羽必者兼之

除目不在之被

宣下乎

○被宣下者春秋除目時不任此必臨時以截
人被仰出日之宣下也昔陸奧國多起賊徒國
廣不能制之故置秋田城雄勝城多住兵士守
非常其後止之光仁御宇寶龜十一年依舊置
秋田城也其後元慶年中陸奧國有軍事此時
秋田城人數校尉七人旅師十六人火長廿四
人列士三百三人鎮兵四百五十人加兵士三
百五十人自之東鑑云藤九郎盛長之子景盛

建永二年任右衛門尉建保六年三月六日任
出羽權少可知秋田城務之由宣下同四月九
日叙爵云

北陸道 七箇國

○就北方陸路行故曰北陸按景行天皇北五
年秋七月遣武内宿祢令察北陸及東方諸國
之地形云崇神帝以大彥命始遣北陸云

若狹 中

○民部式云若狹中三郡遠敷大飯三方若狹
為近自越前至越中為甲越後佐渡為遠主稅
式正稅公廩各九万束風土記抄云昔此國有
男女為夫婦共長壽人不知其年數容貌若而
如少年後為神今一宮神是也因茲有若狹之
名

越前 大

○舊事紀云難波朝御世餘越前國嵯峨朝御
世弘仁十年割越前國分為加賀○日本記日
本武自甲斐入武藏上野西遠于碓日坂於是
分道遣吉備武彥於越國令監察其地形險易
及人民順不則日本武尊進入信濃而出美濃
吉備武彥自越出而遇之云越國今越前加賀
能登越中越後等也和歌曰之越路○民部式
云越前大敷賀丹生今立足野大野切并主稅
式云越前正稅公廩各四十万束○崇神天皇
時額有角人乘一船泊于越國筥飯浦故号其
處曰角鹿今敷賀也是任那國人也又仲哀天
皇幸角鹿居筥飯宮今氣比也是行宮始也

加賀 上

○弘仁十年三月日割越前國二郡置之或記
云天平九年分越前國三郡為加賀國加賀以
郡名為國名○民部式加賀上四郡江沼能美
加賀石川主稅式云加賀正稅公廩各卅万束

能登 中

○舊事紀能等養老二年月日割越前四郡置
之又云能登郡名○民部式曰四郡能登中羽
咋能登風至珠洲主稅式正稅公廩各十五万

越中 上

○民部式越中上礪波射水婦負新川主稅式
越中正稅公廩各卅万東

越後 上

○民部式越後上七郡頸城古志三嶋魚沼蒲
原沼垂石船主稅式正稅公廩各三十三万東

佐渡 中

○民部式佐渡中三郡羽茂雜太賀茂拾玖云
天平十五年二月以佐渡并越後天平勝寶四

年十一月又置為國主稅式佐度正稅三万八
千東

山陰道 八箇國

丹波 上

○山陰自京都北方國海路行山北故曰山陰
成務天皇時始分國縣定邑里山陰曰背面也
山陰之名始出于此山北為背之儀按崇神天
皇以道主命始遣并波是將軍治山陰及丹波
之始乎又顯宗天皇仁賢天皇者履中天皇孫
也父曰市邊皇子雄畧天皇殺市邊皇子顯宗
仁賢兄弟出奔丹波國余社郡而猶畏誅道播
磨國改號曰丹波小字自為僕就在縮見屯倉
首後出二人共為天皇事見日本紀又曰雄畧
天皇廿二年豐受大神自丹波國與佐真井原
移坐于伊勢今外官是也○民部式云丹波上
桑田船井多紀冰上天田何鹿主稅式丹波正

稅二十三萬公廩廿五萬束丹波本郡名也

丹後

○和銅六年四月割丹波國五郡始置之丹後
當丹波北也後北之儀○民部式丹後中五郡
加佐與謝丹波竹野熊野主稅式正稅公廩十
七萬束

但馬

○舊事紀云但遲麻愚曰從上古有主稅式正
稅公廩各卅四萬束○崇神天皇八十八年秋
七月己酉朔戊午詔群卿曰朕聞新羅王子天
日槍初來之時將來寶物今有但馬元為國人
見貴則為神寶也朕欲見其寶物即日遣使者
詔夫日槍之曾孫清彦而令獻於是清彦被勅
乃自捧神寶而獻之羽太玉一箇定部玉一箇
鵝鹿赤石玉一箇日鏡一面熊神籬一具唯有
小刀一名曰出石則清彦忽以為非獻刀子仍

匿袍中而自佩之天皇未知匿小刀之情欲寵
清彦而召之賜酒於御所時刀子從袍中出而
顯之天皇見之親問清彦曰爾袍中刀子者何
刀子也爰清彦知不得匿刀子而呈言所獻神
寶之類也則天皇謂清彦曰其神寶之豈得離
類乎乃出而獻焉皆藏於神府然後開寶府而
視之小刀自失則使問清彦曰爾所獻刀子忽
失矣若至汝所乎清彦答曰昨夕刀子自然至
於臣家乃明且失焉天皇則惶之且更勿覓是
後出石子刀子自然至於淡路嶋其嶋人謂神而
為刀子立祠是於今所祠也昔有一人乘舩而
泊于但馬國因問曰汝何國人也對曰新羅王
子名曰天日槍則留于但馬娶其國前津耳之
女麻拖能鳥生但馬諸助是清彦之祖父也見
于日本紀愚曰天日槍是新羅人飯花日本之
始也又但馬國崇神時已出也民部式但馬上
朝來養父出石氣多
城崎養舍之方七美

因幡上

○舊事紀稻葉民部式因幡上七郡巨濃法美
八上智頭邑美高草氣多因幡正稅公廨各州
万束自丹波至因幡為近伯耆出雲為中石見
隱岐遠

伯耆上

○舊事紀波伯耆上八郡河村夕米八橋汗
入會是日野主稅式正稅公廨各州五万束風
土紀抄云手摩乳足摩乳娘稻田姬八頭之蛇
欲吞之故遁入山中于時母遲來姬曰母來云
故号母來國後改為伯耆愚曰風土記抄說難
信者多問之萃菴萃菴告清賢忠賢忠曰風土
記者元明天皇時所作者今絕而無之此風土
記抄者自卜部家所出也雖多俾俚語上古諸
國多用和名故此抄說其當理者可用之云

出雲上

○舊事紀出雲日本紀素盞鳥尊於出雲國
川上拔十握劍斬八岐大蛇至尾劍刃少缺故
割裂其尾視之中有一劍此所謂草薙劍也一
書曰本名天叢雲劍蓋大蛇所居之上常有雲
氣故以名乎或云大蛇所居常立八色雲故曰
出雲國○出雲大社素盞鳥尊也愚曰今時此
國有大社神職号國造按昔每神皆有神主國
造祀國造是神主類也延喜時出雲國造參禁
中奏神壽詞之由載中務式世俗曰昔此國造
為出雲國司以國司曰國造是大非也昔代々
被任出雲國造其任法者初任時無位人者進
四階叙大初位上也而奉神壽詞又進四階叙
正八位上其後依其人令叙爵例也初任國造
時賜絕十疋絲二十絢布二十端等也奏神壽
詞時又賜綃綿布也○民部式出雲上十郡意
宇能義嶋根秋鹿楯縫出雲神門飯石仁多大

原主稅式正稅廿六万束公廩卅万束

石見 中

○民部式石見中國六郡安濃近摩那賀邑知美濃鹿_鹿主稅式石見正稅公廩各十五万五千束○此國有_高角山有_岩崎山有_岩奈仁山皆嶮石之國也故号石見國自海見石山故也

隱岐 下

○或曰當國在伯耆出雲石見等之沖國也故曰隱岐國隱岐和名也○民部式云隱岐下知_知太海部周吉穩地主稅式正稅二万束公廩四万束

山陽道 八箇國

○陽南也就山南而西行故曰山陽宗神天皇命四道將軍時以吉備津彦遣西道是始也成務天皇始分國縣時山陽曰影面山陽各出于此

播磨 大

○舊事紀云針間民部式云播磨大十二郡明石賀古_知南_南磨指保赤穗佐用完粟神崎多可賀茂美_美主稅式正稅公廩各四十四万束○昔履中天皇孫億計王弘計王兄弟道雄畧天皇乱出奈向播磨赤石郡今明石也俱改字曰丹波小子就仕於縮見_在倉首吾田彦深隱居雄畧崩皇子清寧天皇即位無皇子聞居億計弘計播磨則召以億計為皇太子是則仁賢天皇也弘計則顯宗天皇也是天子出于國之始也又景行天皇二年立播磨稱曰大郎姬為皇后生日本武尊播磨名始出于此

美作 上

○續日本紀和銅六年四月日割備後國六郡始置之○民部式美作上美多勝田_美東_東吉_吉西_西父米大庭真島主稅式美作正稅公廩各卅万束

備前 上

○順和名吉比能美智能又智日本紀神武東征乙卯年春三月入吉備國起行宮是日高嶋宮座此國三年也民部式備前上和氣磐梨邑赤坂上道御野津高兒嶋主稅式云備前正稅公廩各卅八万一千一百五十束

備中 上

○日本紀一書曰以波路洲為胞生大日本豐秋津洲天和也次淡洲阿波也次伊豫二名洲次備前次備中次備後是也又孝靈天皇第三子雅武彥命以功封于備之中洲其後胤吉備大臣是也○民部式備中上都宇窪屋賀夜下道淺口小田後所哲多英賀○主稅式備中正稅公廩各卅万束也寺社料其外入用物在公廩正稅之外也餘准之

備後 上

○民部式云備後上十四郡安那深津神石奴可沼隈品治葦田甲奴三上惠齋御調世羅三谿三次備前以上為近備中備後為中長門以上為遠

安藝 上

○日本紀曰素盞島尊下到於安藝國可愛之川上設酒殺大蛇其後以稻田媛遷置出雲國鞆川上而長養焉云安藝之号始出於神武東征時甲寅年十有二月至安藝國居于埃官○民部式云安藝國上八郡沼田賀茂安藝佐伯山縣高官高田沙田愚曰凡天下郡之名皆用二字也主稅式安藝正稅二十三万束公廩卅万八千八百束愚曰安藝用郡名

周防 上

○仲哀天皇八年春正月幸筑紫時正縣主祖熊罴聞天皇車駕參迎于周芳沙歷之浦獻魚鹽地云景行天皇十二年八月幸筑紫九月到周芳娑磨是天子幸此國之始也○民部式周防上大嶋救河熊毛都濃佐波吉敷六郡愚曰周芳與周防同沙歷娑磨與佐波同一郡名也正稅公廩各九一万束

長門中

○長門本曰穴門日本紀仲哀天皇二年天皇巡狩南國於是留皇后至紀伊國而居于德勒津官是時熊襲叛之不朝貢天皇於是將討熊襲國則自德勒津發之浮海而幸穴門即日使遣角鹿勅皇后曰使從其津發之逢於穴門云又九月興官室于穴門而居是謂穴門豐浦宮是帝居之始也又此時皇后於豐浦津得如意珠於海中○民部式長門中厚校豐浦美林大津阿武正稅公廩各十萬束

南海道六箇國

○仲哀天皇二年始幸南國但神武東征時到于紀伊國是等南國御幸始也

紀伊上

○故實不讀伊字也仲哀天皇南行居于紀伊國德勒津官又神武天皇東征進到于紀伊國竈山而五瀬命薨于軍云或曰昔秦徐福求仙藥來此國鄉人為奇異人故曰紀伊又來此國故曰紀之國皆用和名曰紀伊也按伊井冊尊生火神時被灼而神退去矣故葬於紀伊國熊野之有馬村云今熊野社神是也又徐福祠別有之紀伊名出于此民部式紀伊上伊都那賀名草海部在田日高牟婁七那正稅公廩各十七萬五千束

淡路下

○日本紀伊英諾尊伊英雅尊立於天浮橋上
 共計曰底下豈無國乎迺以天之瓊蔀指下而
 探之是獲滄溟其示鋒簡瀝之潮疑成嶋名之
 曰破馭廬嶋二神於是降居彼嶋因欲共為夫
 婦產生洲國便以破馭廬嶋為國中之柱云於
 是陰陽始盡合為夫婦及至產時先以淡路洲
 為胞意所不快故各之曰淡路洲云淡路國是
 也愚曰淡路嶋者日本開基之國也二神始作
 國時窺初生淡路其小微如淡堅故二神不悅
 曰淡路也又潮淡自然疑堅為一嶋故破馭廬
 嶋是又淡路別名也又允恭天皇幸淡路國獨
 島神崇曰赤石海底有真珠其珠祠於我則悉
 得獸天皇以海人男狹磯腰繫繩入海底差頃
 之出曰於海底有大蜺其處光也諸人皆曰嶋
 神所謂之珠殆有是蜺腹乎亦入探之爰男狹
 磯抱大蜺而沒出之乃息繩以死浪上既而下
 繩測海底六十尋則割蜺實真珠有蜺中其大
 如桃子因祠嶋神則作墓厚葬其墓今存愚曰

世俗謬又恭天皇事曰大織冠至讚州契海人
 而得真珠是大非也○民部式淡路下津各三
 原紀伊淡路為近阿波讚岐中伊豫土佐遠正
 稅三萬五千束公廩四萬五千束

阿波上

○民部式云阿波上九郡板野阿波美馬三好
 麻殖名東名西勝浦那賀主稅式正稅公廩各
 北万束善隣國寶記云二神相謀生八嶋先生
 淡路洲是謂淡道穗之校別次生伊與二名之
 洲一身有四面一曰愛止此賣是伊與也二曰
 飯依此賣是讚岐也三曰大魚都此賣是阿波
 也四曰速依別是土佐也云日本紀二神先以
 淡路洲淡洲為胞生大日本豐秋津洲云淡洲
 者阿波也

讚岐上

○民部式云讚岐上十一郡大内寒川三本山

田香川阿野鵜足那阿多皮三野刈田主稅式
正稅公廨各卅五萬東日本紀作讚吉國又景
行天皇之子神櫛皇子是讚岐國造祖也云人
代始出于此

伊豫上

○日本記所謂伊豫二名之洲是也民部式云
伊豫上宇麻新居周敷桑村越智野間風早和
氣溫泉如米浮穴伊豫喜多宇和正稅公廨各
卅萬東伊豫本郡名也

土佐中

○日本紀天武十三年冬十月土佐國田苑五
十餘萬頃沒為海古老曰若是地動未曾有也
是夕有鳴聲如鼓聞于東方有人曰伊豆嶋西
北二面自然增益三百餘丈更為一嶋則如鼓
音者神造是嶋響也○土佐中安藝香美長岡
土佐吾川高岡播多愚曰土佐者以郡名為國

西海道

名主稅式正稅公廨各廿萬東
十一箇國然云九國二嶋除二嶋云六十
六箇國

大宰府帶筑前國

○西海道都曰之筑紫也二嶋壹岐對馬也大
宰府者昔筑前國置大宰府是筑紫邊要而兵
事賊徒多或異朝境界而藩扞地也故置府以
防非常如興州鎮守府按察使類也○帶筑前
國者置府於筑前也主稅式云凡大宰府處分
公廨帥十分大貳六分半少貳五分監三分典
二分主神主工博士明法博士音博士一分大
半主城陰陽師醫師筆師主船主尉一分半大
唐通事一分少半史生弩師新羅譯語倭使一
分云或問云大宰府者領筑前一國得其田歟
答曰不然只筑前立府故曰所帶也非封一國
領之也此府外筑前守以掾目等有之如餘國
也凡大宰府常居筑前管領九國二嶋之政也

唐大都督府杜氏通典曰後漢建武初征伐四方權置督軍御史竟則罷建安中有三都督魏文帝始置都督諸州軍事明帝大和四年晉宣帝征蜀加號大都督云唐書大都督府都督一人從二品長史一人從三品司馬二人從四品下錄事參軍事一人正七品上錄事二人從九品上云都督掌督諸州兵馬甲械城隍鎮戍糧粟惣判府事云

聖武天皇天平十五年始置筑紫鎮西府先是

有太宰府号云

續日本紀天平十五年十二月始置筑紫鎮西府以從四位下石川朝臣加美為將軍外從五位下大伴宿祢百世為副將軍判官二人主典二人十六年太政官奏鎮西府將軍准從五位官判官准從六位官主典准從七官倍給二季祿及月料並又給公廨田將軍十町副將八

町判官六町主典四町○太宰府聖武以前有之但置年未詳推古天皇十七年夏四月筑紫太宰奏上云始出于此時

天平寶字二年勅諸國司以四箇年為年限寶

龜十一年勅太宰任限為五箇年云凡當府都

管九國二嶋別帶筑前也

○任限者國守四年守其處四年過又遷之任也任限者或四年或六年依時代不定昔任限皆四箇年也天平寶字二年為年限六年與此書不同續日本紀云天平寶字二年冬十月勅如聞吏者民之本也數遷易則民不安居久積習則民知所從是以服與德而從其化安其業而信其令頃年國司交替皆以四年為限斯則適足勞未可以化孔子曰如有用我三年有成夫以大聖之德猶須三年而况中人乎古者

帥

三載考績三考黜陟所以表善簡惡盡臣力者也自今以後宜以六歲為限省送故迎新之費其每至三年遣巡察使推檢改遠慰問民憂待滿迴隨狀黜陟又勅諸國史生以四歲為限遍群人○同書曰寶龜十一年八月太政官奏曰筑紫大宰遠居邊要官人相替限以四年送故迎新相望道路府國因弊職此之由加以所給厨物其數過多每守舊例充給或關蕃客之儲於事商量甚不穩便臣等望請且停交替料兼官人歷任增為五年然則百姓息肩庖厨無乏伏聽天載奏可之○管九國二嶋者掌九國二嶋之政也帶筑前者帥大貳以下給分皆執六國之公廨也見于筑前國之所也

唐名都督相當從三位

○職貢令曰太宰府帶筑前國主神一人掌諸祭祠事帥一人掌祠社戶口簿帳字養百姓勸課農桑糾察所部貢舉孝義田宅良賤訴訟租

調倉庫備役郵驛傳馬烽候城牧過所公私馬牛閑遺雜物及寺僧尼名籍蕃客版化

二韓等入來日本則給報令奏聞也

貳一人掌同帥少貳二人掌同大貳大監二人掌糾判府內審署文案勾稽失讀申公文少典

二人掌同大典大判事一人掌案覆犯狀斷定刑名判諸爭訟少判事一人掌同大判事云○

官位令太宰帥從三位○愚曰帥者筑紫管領也其職如

職貢令唐書武德七年改惣管曰都督惣

字凡都督府有刺史以下如故○都督始漢光

武建武初權置督軍御史事竟輒罷魏文黃初

三年初置都督諸軍事然魏初受漢禪時已有

持節都督則非三年初置也大抵魏所建官耳

明帝大和四年秋始加大都督以命司馬懿唐

太極初并益荆揚開元中兼路為五大都督也

漢建安中魏武為相始遣大將軍督之二十一

年征孫權還使夏侯惇都督二十六軍於是始

職貢令

唐書

有都督之官矣見事物紀原○帥音卒入也
毛氏曰凡稱主兵者為將帥則去也音卒領兵帥
師則入也故經典釋文將帥字皆音去也帥師
字不音云

勅任官也多是有品親王任之親王任之者

權帥若大貳知府務而已

○勅任自天皇有宣任曰勅任大臣以下論奏
任之曰奏任也選叙令曰凡任官大納言以上
左右大辨八省卿五衛府督彈正尹大宰帥勅
任云云言親王任帥者不執政務只權帥知之權
帥或無之又雖有之左
選人則大貳知政務也

權帥

納言以上若前官任之中古以來例於正帥者

擬親王官兼府務人任權也或又任正依時宜
數為大臣人左遷之時任權帥而不可知府務
也凡於帥者令條所定已為高官仍重其仁雖
華族又任之

○百寮云大納言以下任權帥若有正帥則不
可置權也前官者前大納言前中納言等也正
者帥事也對權之辭也○左遷例孝謙天皇天
平寶字元年七月二日右大臣豐成被遷太宰
權帥同八年九月十九日誅醍醐天皇昌泰四
年二月廿九日右大臣菅原公遷權帥冷泉院
安和二年三月廿六日左大臣高明配同官一
條天皇長德二年四月廿四日內大臣伊周又
左遷權帥○左遷者漢魏以上貴右卑左有罪
者解高官降下官曰之左遷也按魏志曰夏侯

玄字太初弱冠為黃門侍郎依耻毛曹明帝恨之左遷羽林監云○今條書名令十卷曰之令條也官位令以帥為三位官是高官也但令無權帥後代置之

大貳

無權官 相當從四位下 唐名都督大卿

○大貳次官小貳次官也令義解曰大貳本正五位上也延曆十二年改為從四位下
唐都督大卿是非唐名乎大卿少卿郎中者異名朝無所見於本朝配之也今准唐朝制以大貳為都督別駕以少貳為都督長史以監為都督司馬可然也唐書曰武德初置之都督一人長史一人司馬二人錄事參軍事一人錄事一人司馬一人錄事一人別駕一人長史一人司馬一人都督府都督一人錄事參軍事一人錄事一人又下人錄事參軍事一人別駕一人長史一人司馬一人錄事一人錄事一人

天平以後以六年為任限也大貳大卿少貳少卿監郎中是非唐朝制於日本配之上詳但又有意思

近代例多以參議散二三位等任之非參議四位又有其例有權帥者不任大貳任大貳者不任權帥雖無其謂已為流例多是以名家人任之

○非公卿官人叙二三位者曰之散二三位也公卿人去其官者曰非參議又非參議四位前宰相事四位公卿限宰相故也
少貳 有權官 相當從五位下 唐名都督少卿

殊撰其人任之

○諸大夫五位任之官位令少貳從五位下無權官

監大 相當正六位下 少相當從六位上

唐名都督郎中

六位侍任之

○監大宰判官也府內一切事掌之又文案事令奉行也

典

大 相當正七位上 唐名都督錄事

少

相當正八位上 掌書記之事日本紀持統天皇五年春正月癸酉朔丙戌詔曰直廣肆筑紫

以清白忠誠不敢怠惰是故賜食封五十戶絕宰典給封戶祿之始也

監典者公卿給時間依請任之多是府中有緣

輩任之稱府官是也此外博士筆師大唐通事

等上古任之中古以來斷絕仍略之

○公卿給者公卿年給之時依所望任監典也以公卿家人任監典也則取監典之祿事也上古無此例自中古有此例又多分任府中有緣人也有緣者典者任監史生博士等任典也或大貳少貳親屬又數代居住府中者撰其人任之也惣曰有緣也府官謂監典也博士者昔大宰府有學校國守郡司子弟親屬府中官人子弟親屬百姓之俊秀者皆入學校曰之學生則博士一人講授經業知孝第忠信之道若學生中有英才文理能達者撰試以奏京都或曰京為大學寮學生或任諸國史生博士又依其人進高官高位也依之此國昔有博士也又大唐通事者昔三辭人多來日本則著大宰府大宰府奏之天子也昔日本有道有德能養方民賦稅薄而養老故大唐人飯化日本不知幾千人也皆歷代所載也魯伯禽之後後漢靈帝後等

慕化來日本也大唐通事以日本語告唐人以唐人語告日本人職也竿師算勳職也職負令曰大宰府博士一人掌教授經業課試學生云云大唐通事職負令不載之延喜式載之後代官也博士竿師大唐通事者帝道衰後漸絕故親房不載舉此抄

筑前 上 雖為都督所帶 宇以下官如例

○民部式云筑前上十五郡怡土志麻早良那河席田糟屋宗像遠賀鞍手嘉麻穗浪夜須下座。上座。御笠。怡土者仲哀天皇幸筑紫伊觀縣主五十述手來天皇御船天皇則美五十述手曰伊蘓志故時人号五十述手之本國曰伊蘓國今謂伊觀訛也今作怡土又御笠者神功皇后幸筑紫自檀日宮遷于松峽宮時飄風忽起御笠隨風故時人号其所曰御笠至層增岐野即舉兵擊羽白熊鷲而滅之謂左右曰取得熊鷲我心安故号其處曰安今夜須郡也又宇洲

社神功皇后討三瀨九月令諸國集船船向之于時皇后當開胎之時皇后則取石挿腰祈之曰事竟還日產於茲土其石今在伊都縣道邊既而討三瀨悉誅伏同十二月從新羅還同月生譽田天皇於筑紫故時人号其所曰宇洲在令筑前國宇洲社是也○筑前國主稅式曰正稅公廨各北万束府官公廨十五万束衛卒料二万二千四百束隨日數有增減修理府官舍料六千束○愚曰都督府在筑前則處分六國公廨米故曰所帶非封筑前一國而為諸侯之儀又云都督常居筑前管領九國二嶋政也此外守以掾目史生官有之是掌筑前一國吏務也又筑紫二字風土記抄曰允恭天皇時自異國貢上紫草著筑紫也筑本著之意也故曰筑紫追可考○善隣國寶記曰二神相謀生八嶋次生筑紫洲又一身有四面一曰自比別是筑紫也後曰筑前筑後二曰豐日別是豐國也後曰肥前曰豐前豐後三曰盡日別是肥國也後曰肥前

肥後四日豐父土比泥別是日向也後日向
大隅薩摩次生壹岐洲曰天比登都柱次生對
馬洲曰天之挾手依比賣次生隱岐洲曰天之
忍許呂別次生佐渡洲曰建日別次生大日本
豐秋津洲曰天御虛空豐秋津根別惣謂之大
八洲云但二神者伊奘諾伊奘冊也神武東征
時至筑紫岡水門今遠賀郡乎

筑後

上

○順和名都父志能美智乃志利民部筑後上
十郡御原生葉竹野山本御井三瀨上妻下妻
此門三毛正稅公廨各北万東府官公廨十萬
東衛卒料一万八千一百五束修理府官舍料
六千束又景行天皇始至筑後御村居高田行
宮今三毛郡也至的邑而進食是日膳夫等遺
盞故時人号其忘處曰淨羽今謂的邑訛也昔
筑紫俗号盞曰淨羽今生葉郡也

肥前

上

○民部式肥前上十一郡基肆養父三根神崎
佐嘉小城松浦杵嶋藤津彼杵高來肥前正稅
公廨各北万東府官公廨十五万束衛卒料一
万八千一百五束修理府官舍料六千束日本
紀景行天皇十八年五月壬辰朔從葦北發船
到火國於是日潑也夜冥不知著岸遙視火光
天皇詔挾批者曰直指火處因指火往乏即得
著岸天皇問其火光處曰何謂是哉國人對曰
是八代縣豐村亦尋其火是誰人之火也然不
得至茲知非人火故名其國曰火國云又神功
皇后元年夏四月北到火前國松浦縣而進食
於玉嶋里小河之側於是皇后勾針為釣取粒
為餌抽取裳系為繩登河中石上而投釣祈之
曰朕西欲求財國若有成事者河魚飲鈎因以
舉竿乃獲細鱗魚時皇后曰希見物也故時人
号其處曰梅豆羅國今謂松浦訛焉是以其國

女人每當四月上旬以釣投河中捕年魚於今
不絕唯男夫雖釣以不能獲魚云財國者新羅
百濟高麗也肥前本作火前也

肥後 大

○民部式曰肥後十四郡玉名菊池阿蘇合志
山本飽田詔麻益城宇土八代天草鞆城球磨
山鹿肥後正稅公廩各四十萬東府官公廩卅
五萬東衛卒料三萬五千七百九十五東修理
府官舍料一萬東景行天皇幸筑紫至阿蘇國
今肥後也

豊前 上

○民部式云豊前上八郡田河企牧京都仲津
築城上毛下毛宇佐正稅公廩各廿萬東府官
公廩十萬東衛卒料一萬七千五百五十四東
修理府官舍料六千東日本紀景行天皇十二
年九月天皇逐幸筑紫到豊前國長岐縣興行

宮而居故号其處曰京也此天皇御幸之始也
京今京都郡○豊前宇佐八幡者應神天皇也
欽明天皇卅一年冬始立祠又按神武天皇東
征時行至筑紫國狹今宇佐也

豊後 上

○民部式曰豊後上八郡日田球珠直入大野
海部大分速見國崎正稅公廩各廿萬東府官
公廩十五萬東衛卒料一萬六千四百七十二
東修理府官舍料六千東以上筑前筑後二肥
二豊六國出大宰府公廩也日向薩摩二嶋大
隅者依其道遠不出府官公廩也景行天皇十
二年冬十月幸筑紫到碩田國其地形廣大亦
麗因名碩田今大分郡是也到速見邑到直入
縣云今速見直入郡也

日向 中

○民部式曰日向中曰杵兒湯那珂宮崎諸縣

正稅公廨各十五万束日本紀第一伊婁諾尊
既還乃追悔之曰吾前到於不須也
之處故當祿去吾身濁穢則至筑紫日向小戸
櫛原枝除焉云始出于此伊婁諾男神伊婁册
女神也此時生底筒男命中筒男命表筒男命
是今攝州住吉神也次生天照太神月讀尊素
盞鳥尊云是日本紀一說也又瓊杵尊始降
臨之時天降於日向襲之高千穗峯凡神代皆
都日向國神武天皇始出日向東征至大和國
也景行天皇十二年冬十一月到日向國起行
宮以居之是謂高屋宮而悉乎襲國因以居高
屋宮已六年也於是其國有佳人曰御方媛則
召為妃生豐國別皇子是日向國造之始祖也
十七年春三月戊戌朔己酉幸于湯縣今兒湯
郡也於于丹裳小野東望之謂左右曰是國也
直向於日出方故号其國曰日向國云是名日
向之始也

大隅中

和銅元年割日向國四郡置之天長元年停
多視嶋縣大隅國○民部式大隅中八郡菱刈
桑原贈於大隅始羅肝屬馭謨能毛正稅八万
六千四十束公廨八万五千束○愚曰大隅本
郡各也後為國名見筑前篇

薩摩中 謂之九國

以上九箇國又薩摩本用郡名為國名民部
式薩摩中出水高城薩摩餽嶋自置伊作河邊
領姓攝宿給黎谿山鹿嶋正稅公廨各八万五
千束文武此名謂更國自雉年始有薩摩之名

壹岐下 邊要

延喜式曰陸奧國出羽國佐渡隱岐壹岐對
馬嶋以上四國二嶋為邊要○順和名由岐愚
曰昔壹岐對馬多禰嶋三嶋有之天長年以多

襜褕大隅也日本紀一書曰先生淡海洲次大
日本豐秋津洲次伊豫二名洲次億岐洲次佐
渡洲次筑紫洲次壹岐洲次對馬洲○民部式
壹岐下二郡壹岐名曰正稅一萬五千束公廩
五萬束或云日本行離之嶋也故訓由岐也又
應神天皇九年有壹伎直真根子者人代壹岐
之名出于此

對馬

下 曰之ヲ二嶋邊要

○民部式對馬下上縣下縣二郡日本紀神功
皇后五年新羅使還之副萬城襲津彦而遣之
共到對馬宿于鉏海水門云主稅式對馬正稅
三千九百廿束無公廩或曰對馬無公廩何哉
答曰小嶋而無米穀故嶋司以下公廩用大宰
所管諸國之田大宰所管國者二筑二肥二豐
六國也

已上諸國司謂之外官然而文官之列也

○諸國司者守公椽目等也凡諸官分內外以
公卿八省等京官為內官國守鎮西府大宰府
等在諸國官為外官又分文武官則公卿八省
諸國守等官為文官行除目則入文官也六衛
府鎮守等官為武官行除目則入武官列也
續日本紀曰天平寶字四年勅大隅薩摩壹岐
對馬多靴等司身居邊要稍苦飢寒舉令縮曾
不得利欲運私物路險難通於理商量良須於
愍宜割大宰所管諸國地子各給守一萬束椽
七千五百束目五十束史生二千五百束以資
遠成稍慰羈情三代實錄曰貞觀十八年三月
九日元有九國三嶋至千天長元年傳多靴嶋
餘大隅國延喜式曰凡國司處分公廩差法者
大上國長官六分次官四分判官三分主典二
分史生一分中國無分則長官五分下國無椽
則長官四分負外司各准當負負外權也其國
博士醫師准史生但陸與國博士醫師陰陽師
並准目鎮守府將軍准守軍監准椽軍曹准目

醫師弩師准史生若帶國者不須兩給其按察使准當國守記事准祿也愚曰長官守也次官也判官祿也主典自也公廨者國守以下祿也今如所領也

職原抄引事大全卷六



四冊之內

木林服平太史



